



門 貳 九
箱 82
664



瘀血
停積

瘍科證治準繩卷之六

金壇王肯堂輯

新安門人閔承詔校

跌撲傷損

金瘡 杖瘡 竹木刺 針入肉 箭頭入骨

素問云人有所墜墮惡血留內腹中滿脹不得前後
先飲利藥此上傷厥陰之脉下傷少陰之絡刺足內
踝之下然骨之前血脉出血刺足跗上動脈不已刺
三毛上各一痛見血則已左刺右右刺左善悲驚不
藥刺如右方繆刺論靈樞云有所墜墮惡血留內有
所大怒氣止而不行下積於脇下則傷肝又中風及
有所擊仆若醉入房汗出當風則傷脾又頭痛不可

跌撲傷損

外科六



取於胸者有所擊墮惡血在內若肉傷痛未已可側刺不可遠取之也邪氣臟腑及厥病篇

東垣醫學發明論曰夫從高墜下惡血留於內不分十二經絡醫人俱作中風肝經留於脇下以中風療之血者皆肝之所主惡血必歸於肝不問何經之傷必留於脇下蓋肝主血故也痛甚則必有自汗但人人有汗出皆屬風證諸風皆屬於肝木况敗血凝泣逆其所屬入於肝也從高墜下逆其上行之血氣非肝而何非傷寒無汗既曰汗必自風化之也故以破血行經藥治之

過多

靈樞又云身有所傷血出多及中風寒若有所墜墜四肢懈惰不收名曰體惰取小腹臍下三結交陽明

大陰也臍下三寸關元也寒熱篇○三結交者即關元穴是也

劉宗厚曰打撲金刃損傷是不因氣動而病由於外外受有形之物所傷乃血肉筋骨受病非如六淫七情為病有在氣在血之分也所以損傷一證專從血論但須分其有瘀血停積而亡血過多之證蓋打撲墜墮皮不破而內損者必有瘀血若金刃傷皮出血或致亡血過多二者不可同法而治有瘀血者宜攻利之若亡血者無補而行之又察

其所傷有上下輕重淺深之異經絡氣血多少之殊唯宜先逐瘀血通經絡和血止痛然後調氣養血補益胃氣無不効也頃見圍城中軍士被傷不問頭面手足胷背輕重醫者例以大黃等藥利之後太黃缺少甚者遂以巴豆代之以為不於初時瀉去毒氣後則多致危殆至於畧傷手指亦悉以藥利之殊不知太黃之藥惟與有瘀血者相宜其有亡血過多元氣胃氣虛弱之人不可服也其巴豆太熱有毒止能破堅逐積用於此疾尤非切當所以有服下藥過後其脉愈見堅大醫者不察又

以為瘀血未盡而後下之因而夭折人命可不慎歟

脉法

內經云肝脉搏堅而長色不青當病墮若搏因血在脇下令人嘔逆 脉經云從高顛仆內有血腹脹滿其脉堅強者生小弱者歿 金匱云寸口脉浮微而澀然當亡血若汗出設不汗者其身有瘡被刀斧所傷亡血故也 脉經云金瘡血出太多其脉虛細者生數實大者歿 金瘡出血脉沉小者生浮大者歿 砍瘡出血一二石脉來大者二十日歿 砍刺出血不止者其脉止脉來大者

七日歿滑細者生

右破傷之脉若瘀血停積者堅強實則生虛細澀則歿若亡血過多者虛細澀則生堅強實則歿皆為脉病不相應故也

治法戴院使云仆踣不知曰擗兩手相搏曰撲其為損一也因擗撲而迷悶者酒調蘇合香丸灌之因擗撲而損傷宜逐其惡血酒煎蘇木調蘇合香丸或雞鳴散或和氣飲加大黃入醋少許煎或童便調黑神散不用童便用蘇木煎酒調亦得擗撲傷疼酒調琥珀散極佳烏藥順氣散亦可

大法固以血之瘀失分虛實而為補瀉亦當看損傷之輕重輕者頓挫氣血凝滯作痛此當導氣行血而已重者傷筋折骨此當續筋接骨非調治三四月不得平復更甚者氣血內停沮塞真氣不得行者必歿急瀉其血通其氣亦或有可治者焉 傷損論曰夫傷損必須求其源看其病之輕重審其損之淺深凡人一身之間自頂至足有所傷打傷跌傷及諸刃傷者皆有之凡此數證各有其說有當先表裏而後服損藥者為醫者當循其理治之然醫者意也不知意者非良醫也或者稟性愚昧不能觀其證之輕重明

其損之淺深未經表裏通利先服損藥誤人多矣有
 因此痰涎上攻有因此大小臟腑閉結差之毫釐繆
 以千里所謂醫不三世不服其藥信哉 此論治損
 傷之大綱也然用藥固不可差而整頓手法尤不可
 孟浪今以人之周身總三百六十五骨節開列於後
 人身總有三百六十五骨節以一百六十五字都關
 次之首自鈴骨之上為頭左右前後至轅骨以四十
 九字共關七十二骨巔中為都顛骨者一有勢微有液
 次顛為髑骨者一有勢微 髑前為頂威骨者一微有
 人無髑後為腦骨者一有勢微 腦左為枕骨者一有
 此骨體後為腦骨者一有勢微

無液枕就之中附下為天盖骨者一下為肺之本 盖骨之後
 為天柱骨者一下屬脊 盖前為言骨者一言上復合
 勢無言下為舌本骨者左右共二有勢 髑前為顛骨
 者一無液 顛下為伏委骨者一俚人訛為伏尾
 之下為俊骨者一附下即眉宇之分也 眉上左為天賢骨
 者一無勢 眉上右為天貴骨者一眉上直 左睛之
 上為智宮骨者一無勢 右睛之上為命門骨者一睛
 之下中鼻之前為梁骨者一無勢 梁之左為顛骨者
 一有勢 梁之左為糾骨者一顛糾之後 梁之端為
 嵩柱骨者一無勢 左耳為司正骨者一無勢 右耳為

納邪骨者一上同正邪之後為完骨者左右共二無勢
正邪之上附內為噓骨者一無勢噓後之上為通骨
者左右前後共四有勢噓上為嚙骨者一無勢其嚙
後連屬為頷也左頷為乘骨者一有勢右頷為車骨
者一上同乘車之後為轅骨者左右共二有勢乘車上
下出齒牙三十六事無勢庸下就復次鈴骨之下
為臙中左右前後至祿以四十字關九十七骨轅骨
之下左右為鈴骨者二液鈴中為會厭骨者一無勢
鈴中之下為咽骨者左中及右共三無咽下為喉骨
者左中及右共三上同喉下為嚙骨者環次共十事上同

嚙下之內為肺系骨者累累然共十二無勢肺系之
後為谷骨者一無谷下為徧道骨者左右共二同嚙
外次下為順骨者共八液順骨之端為順隱骨者共
八上同順下之左為洞骨者一無順下之右為樹骨
者一無洞棚之下中央為髑髏骨者一無髑髏骨
者一無直下為天樞骨者一無鈴下之左右為缺盆骨
者二有勢左缺盆前之下為下馱骨者一無右缺盆
前之下為分饒骨者一上同馱饒之後附下為倉骨者
一上同倉之下左右為膠骨者共八有勢膠下之左為
胸骨者一男好勇膠下之左右蕩骨者一女大則

夫胸之下為鳥骨者一男子此骨滿者髮早白蕩之下為臆骨者一此骨高鈴中之後為脊竅骨者共二十二上接天柱有脊竅次下為大動骨者一上通天柱共二十四椎大動之端為歸下骨者一道家謂尾間歸下之後為纂骨者一此骨能限精歸下之前篠骨者一此骨薄者復次缺盆之下左右至觀以二十五字關六十骨此下止分兩手臂支其缺盆之後為偃甲骨者左右共二有勢液偃甲之端為甲隱骨者左右共二此骨長則至賢前支缺盆為飛動骨左右共二此骨病非緩次飛動之左為龍臙骨者一有枕無次飛動之右為虎衝骨者一上龍臙之下為龍木

骨者一虎衝之下為虎端骨者一俱有勢本端之下為腕也龍本上內為進賢骨者一男子此骨虎端上內為及爵骨者一女人此骨高為命婦腕前左右為上力骨者共八有勢次上力為駐骨者左右共十同次駐骨為擗骨者左右共十上次擗為助勢骨者左右共十外為爪右助外為甲爪甲之下各有觀骨左右共十無液復次髑髏之下左右前後至初步以五十一字關一百三十六骨此下至兩乳下分左右自兩足心眾骨所會處也髑髏之下為心蔽骨者一無髑髏之左為脇骨者上下共十二居小腸之分也左脇之端各有脇隱骨者分

次亦十一無髓脇骨之下為季脇骨者共二多液季脇之
端為季隱骨者共二無髓髑髀之右為肋骨者共十二
處太陽之分也肋骨之下為眇肋骨者共二各無隱骨右肋
之端為肋隱骨者共十二無髓蔞骨之前為大橫骨者
一有勢橫骨之前為白環骨者共二有勢白環之前
為內輔骨者左右共二有液內輔之後為骸關骨者
左右共二同骸關之下為捷骨者左右共二同捷骨
之下為髑髀骨者左右共二有勢髑髀下端為膝蓋
骨者左右共二無勢膝蓋左右各有俠升骨者共二
有勢髑髀之下為斷骨者左右共二有勢斷骨之外
多液

為外輔骨者左右共二有液斷骨之下為立骨者左
右共二同立骨左右各有內外踝骨者共四有勢踝
骨之前各有下力骨者左右共十有勢踝骨之後各
有京骨者左右共二有勢下力之前各有釋欹之前
各有起仆骨者共十有勢起仆之前各有平助骨者左
右共十有勢平助之前各有觀甲骨者左右共十無勢
釋欹兩傍各有核骨者左右共二有勢起仆之下各
有初步骨者左右共二有勢無髓有液女人則無此骨凡此三百六
十五骨也天地相乘惟人至靈其女人則無頂威左
洞右棚及初步等五骨止有三百六十骨又男子女

跌美易員

外科六

人一百九十骨或隱或覩或無髓勢餘二百五十六
骨並有髓液以藏諸筋以會諸脉谿谷相需而成身
形謂之四大此骨度之常也

頭目鼻耳傷凡腦骨傷破輕手搏捺平正若皮不被
者用退腫膏敷貼若皮破肉損者先用封口藥按之
外以散血膏貼之若皮破血流者用止血散按之若
腫痛者用葛葉毛藤葉楓葉尾砍爛傅之不可見風
着水恐成破傷風 凡腦骨傷碎在硬處可治若傷
太陽穴不可治如在髮際須剪剃去髮看皮破不破
依上用藥敷若欲洗宜用熟油和藥水洗或和溫茶

洗之 凡面自傷青黑色用一紫散敷或紫金膏貼
傷重者用補肉膏敷貼 凡腦兩角及後枕或兩肩
有傷可治眼睛傷瞳神不碎可治或眼胞傷紫黑色
用一紫散敷貼或紫金膏敷貼傷重者用補肉膏敷
貼或頭頂心有損則難治 凡鼻兩孔傷凹者可治
血出無妨鼻梁打撲跌磕凹陷者用補肉膏敷貼若
兩鼻孔跌磕傷開孔竅或刀斧傷開孔竅用封口藥
按傷處外以散血膏貼之退腫 凡耳斫跌打落或
上脫下粘或下脫上粘內用封口藥按外用散血膏
敷貼及耳後看脫落所向用鵝翎橫夾定却用竹夾

子直上橫縛定縛時要兩耳相對輕縛住

舌唇口喉齒顛傷

凡唇口刀斧斫磕跌墮等傷破皮傷肉者先用桑白皮線縫合却以封口藥塗傅次以散血膏敷貼牽住所封藥不令開落仍少言語凡跌破唇耳鼻而拔缺者即以封口藥揆外以散血膏敷貼若缺唇缺耳先用麻藥塗之却以剪刀剪去外些皮即以絹線縫合缺耳作一截縫合缺唇作三截縫合以雞子黃油塗次以金毛狗脊毛薄摻些於上次以封口藥塗抹之次日以茶輕洗就揆末一日換一次至八日剪去線又揆末凡顛頰顛刀斧斫磕

跌墮等傷破皮肉者用封口藥填瘡口外以散血膏敷貼或跌磕損傷未被皮肉者用補肉膏敷貼凡刀斧斫磕跌被上唇而拔缺者用絹片一小條從腦後縛向前來縛合縫定次揆封口藥外以散血膏敷貼如下唇整法却以絹片從下頰兜縛及如前法整頓次揆末敷藥或無腫不須敷藥凡偶含刀在口內戲耍誤割斷舌頭未全斷者用封口藥傅一日換二三次藥七八日全安凡兩臉涎囊被刀斧斫磕跌墮等傷傷開涎囊者用絹線縫合却以封口藥塗敷外以散血膏敷貼七八日接在肉剪去線揆封口

藥 凡牙齒被人打跌砍磕去了牙齒者只用補肌散摻及封口藥按服被血藥止痛藥並用承煎藥服不宜用酒煎藥須知此法乃大有功 凡牙斷跌磕斫傷牙齒未動者用芙蓉膏末摻如齒動者用蒺藜根燒存性爲末常揩擦之卽牢 凡割喉者用騎脚患人頭項以絲線先縫內喉管却縫外頸皮用封口藥塗傅外以散血膏敷貼換藥或喉被人打歪以手搖正却以前膏敷貼若結喉傷重喉斷不可治以湯與之得入腸者可治若並出者不可治

頸骨肩胛脇肋傷 凡高處跌墮頸骨挫進者用手巾

一條繩一條繫在枋上垂下來以手兜縛頰下繫於後腦殺縛接繩頭却以瓦罍一箇五六寸高看捺入淺深斟酌高低令患人端正坐於其罍上令伸脚坐定醫者用手掣捺平正說話令不知覺以脚一踢踢去罍子如在左用手左邊撥出如在右用手右邊撥出却以接骨膏定痛膏敷貼又一法令患人卧牀上以入擠其頭雙足踏兩肩卽出 凡左右兩肩骨跌墮失落其骨又出在前可用手巾繫手腕在胸前若出在後用手巾繫手腕在背後若左出摺向右肱右出摺向左肱其骨卽入接左摸右鬢接右摸左鬢却

以定痛膏接骨膏傳之 凡肩井骨及脇下有損不可束縛只捺令平正用補肉膏接骨膏定痛膏敷貼兩肋骨亦然 凡肩胛骨出相度如何整用椅一箇令患人於椅後伸兩手於椅手圈住及以軟衣被盛墊脇下使一人捉定兩人拔伸却墜下手腕又着曲着手腕按捺平正却以定痛膏接骨膏敷貼絹片縛之

手傷手有四折骨六出白凡手臂出白此骨上段骨是曰下段骨是杵四邊筋脉鎖定或出白亦剝損筋所以出白此骨須拽手直一人拽須用手把定此間

骨擗教歸窠看骨出那邊用竹一片夾定一邊不用夾須在屈直處夾纔服藥後不可放定或時又用拽屈拽直此處筋多喫藥後若不屈直則恐成疾日後曲直不得 肩胛上出白只是手骨出白歸下身骨出白歸上或出左或出右須用春杵一枚矮橈一箇令患者立橈上用杵撐在於出白之處或低用物墊起杵長則墊橈起令一人把住手拽去橈一人把住春杵令一人助患人放身從上坐落骨節已歸窠矣神効若不用小橈則兩小梯相對木棒穿從兩梯股中過用手把住木棒正稜在出白腋下骨節蹉

跌之處放身從上墜骨節自然歸白矣 凡手脛手
腕骨脫綳直拽出醫用手擡起手脛腕以患人本身
膝頭墊定醫用手於頸項肩處按下其骨還窠却用
定痛膏接骨膏敷貼若手腕失落或在上在下用手
拽伸却使手燃住方可用前膏敷貼藥夾縛若手脛
骨出用圓椅橫翻向上醫用足踏住椅將病人手在
椅橫內校曲入腕內以小書簿上下夾定平穩却用
前膏敷貼用絹布兜縛兜縛時要掌向上若手盤出
白不可牽伸用衣服向下承住用手搏按動搖挪令
平正却用前膏敷貼夾縛下用襯夾 凡手骨出向

左則醫以右手拔入骨出向右則醫用左手拔入一
伸一縮搖動二三次却用接骨膏定痛膏敷貼夾縛
凡手脚骨只一邊斷則可治若兩手脚骨皆斷者
不可治 凡手足骨斷者中間一坐縛可帶緊兩頭
放寬些庶氣血流蔭若如截竹斷却要兩頭緊中間
放寬些庶使氣血聚斷處 若接縛手者前截放寬
縛些使血散前去若按足者下截放寬些使氣血散
下去 凡用盤出向下將掌向上醫用手搏損動處
將掌曲向外捺令平正用前膏貼再用夾向背一片
長下在手背外向面一片短下在掌按處向小指一

片長下在指曲處向大指一片短下在高骨處三度
縛之 凡兩手臂骨打斷者有碎骨跌斷者則無碎
骨此可辯之皆可用定痛膏接骨膏敷貼之 凡手
指跌撲刀斧打碎用雞子黃油潤次揆封口藥末外
以散血膏敷貼絹片縛定若跌撲咬傷者用澤蘭散
傳之若有寒熱者用退熱散傳之寒熱退即去之
凡手掌根出臼其骨交互相鎖或出臼則是剝出鎖
骨之外須是搦鎖骨下歸窠出或外則須搦入內或
入內則須搦出外方入窠曰共只用手拽斷則難入
窠十有七八成痼疾也宜接骨膏定痛膏敷貼夾縛

四折骨用杉皮竹片夾縛六出臼只宜以布帛包縛
不可用夾要時時轉動不可一時不動恐接直骨
胸腹傷凡胸前跌出骨不得入令患者靠實處醫人
以兩脚踏患者兩脚以手從脇下過背外相又抱住
患者背後以手於其肩袖起其胸脯其骨自入却用
定痛膏接骨膏敷貼 凡胸脯骨有拳槌傷外有腫
內有痛外用定痛膏敷貼內用破血藥利去瘀血次
用消血草搗酒服如刀傷先宜安骨定皮合口椰令
平正却以封口藥揆瘡口外以補肌散以雞子清調
敷貼內服補損藥活血丹之類 凡胸骨肋斷先用

破血藥却用定痛膏接骨膏敷貼皮破者用補肉膏敷貼
凡胸脇傷重血不通者用菘豆汁生薑和服
一以壯力人在後擠住自吐其血次用破血藥
上被傷肚皮俱破腸出在外只腸全斷難醫傷破而
不斷者皆可治療
凡腸出可以病人手搭在醫人
肩隨其左右收起以麻油潤瘡口整入腹却以通關
散吹鼻打噴嚏令腸自入用桑白皮線向皮內縫合
後以封口藥塗傷處外以補肌散以雞子清調勻敷
貼或散血膏更妙
線上以花乳石散敷之
肚皮
裂開者用麻縷爲線或槌桑白爲線亦用花乳石散

敷線上須用從裏重縫肚皮不可縫外重皮留外皮
開用藥摻待生肉
若腸上有小損孔以燈火照之
腸中有氣射燈不可治
又一法腸出吊起病人手
用醋煎山豆根汁服一口至二口却以針於病人頸
上一刺其腸自入
凡肚皮傷破孔大肚腸與脂膏
俱出放入內則用縫如孔小只有膏出用手擘去膏
不用縫此膏出者已無用了不可復入肚中反成禍
患只須擘去不妨此是閑肉但放心去之肚內被傷
者專用利大小腸不可待秘恐成重患

腰腎股膝傷凡腰骨損斷用門一片放地下一頭斜

高些令患人覆眠以手伸上搬住其門下用三人拽伸以手按損處三時久却用定痛膏接骨膏敷貼病人渾身動作一宿至來日患處無痛却可自便左右翻轉仍用破血藥凡髻腋左右跌出骨者右入左左入右用脚踏進樽捺平正用藥如跌入內令患人盤脚按其肩頭醫用膝旅入雖大痛一時無妨整頓平正却用接骨膏定痛膏敷貼只宜仰臥不可翻臥大動後恐成損患凡腰腿傷全用酒佐通氣血藥俱要加杜仲凡胯骨從髻上出者用二三人捉定腿拔伸仍以脚捺送入却用前等膏敷貼如在窩內

出者則難治凡脚骨傷甚難整當臨時相度難泥一說凡兩腿左右打跌骨斷者以手法整其骨以手拽正上拽七分於前下拽五分於後整定用接骨膏定痛膏敷貼以來縛縛時先縛中正後縛上下外用副夾若上下有腫痛無慮五日方可換藥凡辯腿胯骨出內外者如不粘膝便是出向外從外捺入平正臨機應變凡脚盤出白令患人坐定醫人以脚從腿上一踏一搬雙手一擰捺搖二三次却用接骨膏定痛膏或理傷膏敷貼凡膝蓋損斷用手按捺進平

跌打傷損
正後用前膏敷貼桑白皮夾縛作四截縛之其膝蓋
骨跌剝開者可用竹箍箍定敷藥夾定要四截縛之
膝蓋不開也若腫痛須用針刀去血却敷貼用夾
若或內外踝骨左右脚盤剝跌損傷用脚踏直拽正
按捺平正却敷貼前膏若膝頭骨跌出曰牽合不可
太直不可太曲直則不見其骨稜曲則亦然只可半
直半曲以竹箍箍住膝蓋骨以繩縛之凡骨節損
折肘臂腰膝出曰蹉跌須用法整頓歸元先用麻藥
與服使不知痛然後可用手法治之
脚傷脚有六曰四折骨凡脚板上交胛處出曰須用

一人拽去自用手摸其骨節或骨突出在內用手正
從此骨頭拽歸外或骨出向外須用力拽歸內則歸
窠若只拽不用手整入窠內誤人成痼疾也宜接骨
膏定痛膏敷貼夾縛四折骨用正副夾縛束六出曰
只宜以布帛包縛不可夾之凡脚膝出曰與手臂
肘出曰同或出內出外只用一邊夾縛定此處筋脉
最多時時要曲直不可定放又恐再出窠時時看顧
不可踈慢宜接骨膏定痛膏敷貼夾縛凡脚大腿
根出曰此處身上骨是曰腿根是杵或出前或出後
須用一人手把住患人身一人拽脚用手盡力擗歸

窠矣或是剝開又可用軟綿繩從脚縛倒吊起用手
整骨節從上墜下自然歸窠却用接骨膏定痛膏敷
貼夾縛

背脊骨傷凡剝脊骨不可用手整頓須用軟繩從脚
吊起墜下身直其骨使自歸窠未直則未歸窠須要
待其骨直歸窠却用接骨膏或定痛膏或補肉膏敷
以桑皮一片放在藥上杉皮兩二片安在桑皮上用
軟物纏夾定莫令曲用藥治之凡脚手骨被壓碎
者須用麻藥與服或用刀刮開甚者用剪刀剪去骨
鋒便不衝破肉或有粉碎者去其骨免膿血之禍然

後用大片桑皮以補肉膏或定痛膏糊在桑皮上夾
在骨肉上莫令差錯三日一洗莫令臭穢用藥治之
又切不可輕易自恃有藥便割便剪便弄須要詳細
審視當行則行尤宜仔細或頭上有傷或打破或刀
傷或壓碎骨用藥敷貼縛之凡敷縛之際要於密屋
無風之所勿使風入瘡口恐成破傷風之患切記切
記

陰囊陰門傷凡陰囊被人扯脫者用雞子黃油塗以
金毛狗脊毛薄攤於上次按封口藥又用散血膏敷
貼外却用中葉金鎖匙紫金皮水煎服洗用紫蘇葉

煎水洗 凡陰囊處有青黑紫色腫者用補肉膏敷貼或用定痛膏加赤芍草烏良薑肉桂各少許打和用韭菜砍爛同藥貼如無韭菜葱葉亦可仍服利小便藥 凡婦人腿骨出進陰門邊不可踏入用橈一條以綿衣覆上令患人於上臥醫以手拏患人脚用手一擰上在好脚邊上去其腿骨自入却用接骨膏定痛膏敷貼 凡下近腿胯陰囊等處不用通藥但貼不令血陰

筋骨傷 凡斷筋損骨者先用手尋揣傷處整頓其筋骨平正用接骨等膏敷貼用正副夾縛定正夾用杉

皮去外重皮約手指大排肉上以藥敷杉皮上藥上用副夾用竹片去裏竹黃亦如指大踈排夾縛 凡骨碎斷或未碎斷但皮破損肉者先用補肌散填滿瘡口次用散血膏敷貼如骨折要接骨膏敷貼夾縛或皮破骨斷者用補肉膏敷貼 凡骨斷皮破者不用酒煎藥或損在內破皮肉者可加童便在破血藥內和服若骨斷皮不破可全用酒煎損藥服之若只損傷骨未折肉未破者用消腫膏或定痛膏 凡皮破骨出差曰拔伸不入擗捺皮相近三分用快刀割開些捺入骨不須割肉肉自破了可以入骨骨入後

用補肉膏敷貼瘡四傍腫處留瘡口用補肌散填之
皮肉不被用接骨膏定痛膏敷貼若破者必有血出
用力整時最要快便凡皮裏有碎骨只用定痛膏
接骨膏敷貼夾縛十分傷害自然爛開肉其骨碎必
自出然後摻補肌散外以補肉膏敷貼凡骨碎看
本處平正如何大抵骨低是不曾損左右骨高骨定
損了如折骨要拔伸捺平正用藥敷貼以正副夾束
縛勿令轉動使損處堅固如出臼曲處要時時曲轉
使活處不强凡敷貼用板子一片就板子上將蕉
葉或紙被攤接骨膏定痛膏在上移在損處皮內有

碎骨後來皮肉自爛先摻補肌散次敷補肉膏碎骨
自出若破斷皮肉先以封口藥填塗用線縫合外用
補肉膏散血膏敷貼凡平處骨斷骨碎皮不破者
只用接骨膏定痛膏敷貼夾縛若手足曲直等處及
轉動處只宜絹包縛令時數轉動不可夾縛如指骨
碎斷止用苧蔴夾縛腿上用苧蔴繩夾縛冬月熱縛
夏月冷縛餘月溫縛凡拔伸捺正要羶絹軟物單
正仍拔伸當近在骨損處不得前去二節骨上仍拔
伸相度左右骨各有正斜拔者凡樽捺要手法快
便要皮肉相執平正整拔亦要相度難易或用三四

人不可輕易。凡筋斷用楓香以金沸草砍取汁調塗傅次用理傷膏敷貼。

束縛敷貼用藥凡束縛春二日夏一日秋三日冬四日縛處用藥水泡洗去舊藥不可驚動損處洗了仍用前膏敷縛若束縛要杉木浸軟去麤皮竹片去黃用青共削約手指大片用杉木皮為正夾竹片為副夾踈排周匝以小繩三度縛縛時相度高下遠近使損處氣血相續有緊有寬說見前二三日一次換藥敷直要縛一箇月藥次以補損好膏貼之亦要以杉皮夾住令損處堅固骨老方不夾之其杉皮貼肉上

藥敷杉皮上紙被貼藥上竹片夾紙被上縛之。凡腫是血作用熱藥水泡洗次敷貼等草藥一時討不及者只用理傷膏貼最便。凡用夾須攤藥於紙上平兩頭要帶薄搭頭搭得不厚不礙肉平坦者無高低不均之患若四岸高低不均此上便有空缺不着肉處即生疱切記之。凡敷貼接骨等藥疼痛不止者可加乳香沒藥楓香白芷肉桂南星獨活等味各量加此於藥中敷貼其肉溫暖疼痛即住刀各傷者去肉桂南星獨活。凡換藥不可生換用手中打濕搭潤逐片取脫隨手盪洗換藥不可經停一時恐生

肉疱仍先攤藥隨即應手換之此大節病累遭害切
記之凡傷重其初麻而不痛應拔伸捺正或用刀
取開皮二三日後方知痛且先勻氣血凡被杖打
痛腫而未破者先用稜針出血若破者不須出血只
用撒地金錢山薄荷生地黃地薄荷豬鬃葉澤蘭
葉血見愁搗敷貼若成杖瘡用黑膏藥白膏藥紅膏
藥太乙膏牛脂膏貼之凡刀斧傷者看輕重用藥
如輕者只用補肌散按重者宜用封口藥按緊縛住
如傷重者外用散血膏敷貼

用藥訣打顛樹木壓或自高處顛下者此等傷皆驚

動四肢五臟必有惡血在內專怕惡心先用清心藥
打血藥及通大小腸藥次第先服臨服加童子小便
入藥內立効專用大小腸洗利恐作隘塞利害之甚
清心藥加前方通利大小腸藥服之自然俱通無悶
煩無惡血污心以次用止痛藥服之即止顛撲傷
刀石傷諸般傷損至重者皆先服清心藥次服清小
便三服去血藥或被傷者血未結打從瘡口出或結
在內用藥打入大腸時即泄或被打破顛被木壓惡
血未積者用藥打散四肢或歸臟腑者或歸上膈者
打從口中吐出或歸中膈打入大腸泄出先用此急

跌撲傷損 凡藥皆
救次服止痛藥卽二十五味藥中加減用 凡藥皆
憑湯使所使方先但用清心藥煎後用童便壹盞同
服或止痛重傷者則用薑湯燈心湯調二十五味藥
服之薄荷湯亦可 凡傷或刀傷及損內臟腑恐作
煩悶崩血之患如折骨者同薑酒服接骨藥傳之如
骨碎被重打重顛重木及石壓者皆用先服湯使法
並法用酒服如輕顛撲損傷則用薑湯調下二十五
味藥立効 凡打撲傷損折骨出臼者便宜用何首
烏散若發熱體實之人用疎風敗毒散若惡寒體弱
之人用五續交加散後用黃白紅黑四味末子補損

丹活血丹等藥調治之 凡折骨出臼者不宜用下
瘀血之藥及通利大便之藥只宜疎風順氣勻血定
痛補損而已 凡打撲砍磕從高跌墮瘀血攻心不
能言語者用獨聖散及破血藥下去瘀血卽能言語
次宜臨證詳治之 凡打撲跌墮傷於脇下瘀痛不
可忍者先用破血藥及獨聖散次以復元活血湯調
理 凡打撲跌墮損破皮肉紫黑色者先用破血藥
次用獨聖散又次用清上瘀血湯消下破血湯 凡
打撲損傷嘔惡血汁者先用獨聖散次用百合散又
次用生料四物湯加硬骨牛乳根加減調理 凡打

撲刀斧斫磕等傷破皮損肉血出去多頭目眩暈者
先用川當歸大川芎煎水服次加白芍藥熟地黃續
斷防風荆芥羌活獨活南星煎水加童便和服則可
不可用酒如血出少內有瘀血者以生料四物湯一
半加獨聖散一半煎水服未破皮肉者上碗加酒和
服 凡打撲刀斧斫磕等傷破傷風痛不可忍牙關
緊急角弓反張者用生南星防風等分爲末米泔調
塗患處又用熱酒童便各半調連進三服卽甦次用
疎風敗毒散調治之 凡刀斧跌磕傷破陰囊皮者
先服獨聖散次服止痛藥如內有宿血者用破血藥

凡刀斧傷破肚皮腸出者先用清心藥加童便和
服及用獨聖散次用止痛藥如血出過多先用當歸
川芎水煎服次加白芍藥熟地黃羌活獨活防風荆
芥白芷續斷水煎調乳香沒藥末和服之 凡傷損
藥中不可缺乳香沒藥此藥極能散血住痛 凡刀
斧跌磕閃肭脫臼者初然不可使用自然銅久後方
可用之折骨者宜使用之若不折骨不碎骨則不可
用修合諸損藥皆要去之好用自然銅必用火煨方
可服之然新出火者其火毒與金毒相扇挾香熱藥
毒雖有接骨之功其燥散之禍甚於刀劍戒之 凡

隨傷內有瘀血者必腹脹滿而痛或胸脇滿也宜用
破血藥清心藥及通利之自然而愈痛不止者用獨
聖散服之効驗如更不止用止痛藥服之大効如神
凡金刃所傷從高跌墮皮肉破損出血過多此宜
止疼兼補為先宜當歸補血湯若皮肉不破損者宜
作瘀血停積治之先以獨聖散次以破血藥隨證加
減續後痛不止者用止痛藥調理若胸膈疼痛用開
心草雪裏開蘇木煎酒入童便和服即効又方單用
蘇木煎酒和童便服 凡治刀斧金刃打撲從高跌
墮皮肉破損而傷重者中間破處搽封口藥或補肌

散四邊用截血膏箍住使新血不來潮作此秘傳之
妙訣也 凡損傷妙在補氣血俗工不知惟要速効
多用自然銅恐成痼疾也初傷只用蘇木活血黃連
降火白朮和中童便煎服在下者可下瘀血但先須
補托在上者宜飲韭汁或和粥喫切不可飲冷水血
見寒則凝但一絲血入心即斂 凡老人墮馬腰痛
不可轉側先用蘇木人參黃芪川芎當歸陳皮甘草
煎服次以前藥調下紅黑黃白四末子補損丹活血
丹 凡杖打閃胸疼痛皆滯血證宜破血藥下之痛
不可忍則傷血故也宜清心藥更不止用獨聖散大

効凡刀斧打撲斫磕跌斷血筒出如湧泉者此傷經也用封口藥揆以手按實少時即止又止血散揆之亦可如腫痛搗葱炒熱縛之凡損大小便不通未可便服損藥蓋損藥熱亦用酒澀秘愈甚看患人虛實實者用破血藥加木通尚末通加芒硝虛者以四物湯加枳殼麻仁桃仁滑腸之類虛人不可下者四物湯加穿山甲凡服損藥不可喫冷物魚牛肉極冷尤不可喫若喫牛肉痛不可治又瘟猪肉猪母肉尤不可喫切記之凡損不可服草藥服之所生之骨必大不得入曰相無君臣藥服則可要加溫補

氣血藥同煎凡損藥必熱能生氣血以接骨也更忌用火灸如敷藥不効服藥亦不効凡用敷貼等草藥皆要臨時生採新鮮者用之有効如出遠路討不便者可為末用研末不及生採者為勝如無草藥討處就用君臣藥接縛之凡損藥內用酒者不問紅白只忌灰酒且重傷不可便用酒反承起氣作腹脹胸滿切記切記如稍定却用酒水煎或湯浸酒凡打傷在兩脇兩胸兩肚兩肋却用通氣通血清心藥又看病人虛實不同虛者通藥須無補藥故緩且用貼藥在前通藥在後凡用通藥及不通者後用

順氣藥腹肚全無膨脹而得安此為不于血作乃是
 氣閉不通如腹肚果有血作一通便下亦須以順氣
 藥煎之庶胸膈肚腹不致緊悶氣順後却用損藥
 凡人醉卧跌牀下胛背疼痛不可屈伸損藥不効服
 黑豆酒數日愈豆能下氣所損輕也 凡小兒跌橈
 角上止用蘿蔔子煎服愈亦順氣也 凡整作之法
 除頭腦上不可用藥水洗恐成破傷風餘可加熟油
 同藥水避風洗之且與往痛整時先用熱酒磨草烏
 服壹貳盞方整整時氣絕用蘇合香丸須甦未甦以
 黑豆防風甘草黃連煎冷服或苡草搗米服不可用

鹽解之若吐加生薑汁 右皆專科用藥之法人有
 虛實不可一律而施即如末條整時先服草烏酒整
 而氣絕灌以蘇合香丸走竄之劑未甦又以冷藥灌
 之若施之氣虛之人慘於加亦矣惟薛氏法量證施
 治專於內補可以遵用見後分證處治條學者宜審
 焉

十不治證 顛撲損傷或被傷入於肺者縱未即死二
 七難過 左脇下傷透內者 腸傷斷一半可醫全
 斷者不可治 小腹下傷內者證候繁多者 脉不
 實重者 老人左股壓碎者 傷破陰子者 血出

盡者，肩內耳後傷透於內者皆不必用藥。

整骨麻藥

草烏 叁錢

當歸

白芷 各貳錢半

右末每服伍分熱酒調下麻倒不知痛然後用手如法整理。

草烏散 治癆骨節不歸窠者用此麻之然後下手整頓。

白芷

川芎

木鼈子

豬牙皂角

烏藥

半夏

紫金皮

杜當歸

川烏 各貳兩

船上茴香

草烏 各壹兩

木香 半兩

右為細末諸骨碎骨折出白者每服壹錢好酒調下麻倒不知疼處或用刀割開或用剪去骨鋒者以手整頓骨筋歸元端正用夾板夾縛定然後醫治或箭鏃入骨不出亦可用此藥麻之或鐵鉗搜出或用鑿鑿開取出若人昏沉後用鹽湯或鹽水與服立醒。

外治方藥 初氏云凡癩傷皮破血出處疼不可忍乃風寒所着宜用葱杵碎入鹽少許炒熱罨上其痛即住冷則再溫之。

本事方云崔給事頃在澤潞與李抱真作判官李相
 方以毬杖按毬子其將軍以杖相格乘勢不能止因
 傷李相姆指并爪甲劈裂遽索金刀藥裹之強坐頻
 索酒飲至數杯已過量而面色愈青忍痛不止有軍
 使言取葱新折者入塘灰火煨熱剝皮擘開其間有
 滲取罨損傷處仍多煨葱續續取熱者凡三易之面
 色却赤斯須云已不痛凡十數度易用熱葱并滲裹
 纏遂畢席笑語

治腦骨破及骨折葱白爛研和蜜浮封損處立瘥

治殺傷氣偶未絕用葱白熱鍋炒熟徧傳傷處頃即

定痛

用易其痛自止但青葉亦可

定痛膏 治打撲傷損動筋折骨跌磕木石壓傷赤

腫疼痛

芙蓉葉 貳兩

紫金皮

獨活

南星 生

白芷 各伍錢

右朱加生採馬藍菜墨斗菜各壹兩杵搗極爛和
 末一處用生葱汁老酒和炒暖縛

若打撲跌磕壓傷骨肉痠疼有紫黑色未破皮肉
 者加草烏肉桂良薑各叁錢研末薑汁調溫貼若
 紫黑色已退除良薑肉桂草烏薑汁却以薑汁茶

清調溫貼之

若折骨出臼者加赤葛根皮寶塔草各貳兩搗爛
和前藥一處又用肥皂拾枚童便煮去皮弦子膜
杵搗極爛入生薑汁少許生白麵壹兩砍爛和勻
入前藥同杵搗勻用芭蕉葉托用前後正副夾須
仔細整頓其骨緊縛看後上下腫痛消方可換藥
腫痛未退不可換藥

本治腕打傷筋損骨疼痛不可忍

生地壹斤切

藏瓜薑糟壹斤

生薑肆兩切

右都炒令勻熱以布裹罨傷折處冷則易之曾有

入傷折宜用生龜尋捕一龜將殺患人忽夢見龜

告曰勿相害吾有奇方可療於夢中授此方神効

經驗方 治跌撲瘀血作痛或筋骨疼痛

黃蘗壹兩

半夏伍錢

右為末用薑汁調塗患處以紙貼之如乾薑汁潤

乏周日易之

消毒定痛散 治跌撲腫痛

無名異炒

木耳炒

大黃炒各伍兩

右為末蜜水調塗如內有瘀血研去敷之若腐處
更用當歸膏敷之尤好

截血膏 治刀斧斫磕等處能化血破瘀退腫止痛

天花粉 各壹兩
薑黃 赤芍藥

白芷 各壹兩

右末茶清調勻敷瘡口四邊若刀斧傷於頭面血不止者急用此末茶清調勻塗頸上周圍若傷手則塗臂周圍若傷足則塗腿周圍若傷各處則塗瘡口周圍使截住其血不來潮作也
金瘡着水肉翻花者用韭汁調此末傳瘡口四邊以火微炙之又用早稻煙熏之瘡口出水即愈如無水出即是風襲倍加南星和敷

若瘡口肉硬不消者此被風所襲也可加獨活用熱酒調敷如又不消則風毒已深肌肉結實加紫金皮和敷有必消之理也

散血膏 治打撲傷損跌磕刀斧等傷及虎傷瘡豬

牛咬傷

耳草葉 藤生藤上有棘葉如木綿葉又名猪鬃 聆又名虎聆草又名獅子聆
澤蘭葉 少許

右各生採杵搗極爛冷敷縛刀斧斫磕等傷破皮損肉者先用羊毛餅貼次貼此膏瘡口四邊用截血膏敷貼令血不來潮作一人跌被陰囊又一人

跌拔鼻孔者俱先整理皮肉端正用此膏效驗
一法不用羊毛餅只用金毛狗脊毛薄薄鋪此於
患口上次揆封口藥再却以此膏貼效更速

羊毛餅法

雞子清桐油各半打勻以羊毛薄捻作餅如紙樣
貼在患處上以散血膏或補肉膏敷貼

接補消腫膏 治證同前

耳草葉

雪裏開

水竹葉

烏苞葉

紫金皮

右末以雞子清入桐油少許調勻敷貼

活血散 治打撲傷折手足

右用菘豆粉新鐵銚內炒令紫色用熱酒同熱醋
調令成膏傅貼損處用紙花蓋貼將杉木一片或
二片縛定其効如神

赤散 治傷損傅藥後起疱者以稜針挑破擦末

大黃

赤石脂

石膏般各等分

右末擦之

黃散 治打撲傷痕紫黑有瘀血流注有熱者

大黃

右末薑汁調溫傅

一白散 治打撲傷痕紫黑有瘀血流注無熱者

半夏

右末薑汁調傅

萬金膏

治癰疽發背諸般瘡癤從高墜下打撲傷損脚膝生瘡遠年廉瘡五般痔漏一切惡瘡並皆

治之

龍骨

鼈甲

苦參

烏賊魚骨

黃檗

黃芩

黃連

猪牙皂角

白芨

白斂

厚朴

木鼈子仁

草烏

川芎

當歸

香白芷

各壹兩

沒藥

另研

乳香

另研各半兩

槐枝

柳枝

各肆寸長貳拾壹條

黃丹

壹斤半炒過

清油

肆斤

右除乳沒丹外將諸藥於油內慢火煎紫赤色去滓秤淨油叁斤放鍋內下丹不住手攪令黑色滴入水不散及不粘手下乳沒末再攪勻如硬入油些少以不粘手為度

洗藥荆葉散

治從高墜下及一切傷折筋骨瘀血

結聚疼痛

跌打傷損

頑荊葉 壹兩

白芷

細辛 去苗

蔓荊子

桂心

川芎

丁皮

防風 去蘆

羌活 各半

右作壹服入鹽半匙連根葱伍莖漿水伍升煎取參升去滓通手淋洗痛處冷即再易避風處洗之

接骨 接骨用好無名異參兩為末丁乳檀沉木五香各半錢重為末先燒鐵銚紅以五香三之一彈入銚內候煙起則全下無名異待滾退火定後再上火炒熱又將五香彈三之一彈入銚內候滾又退火如此者凡三次訖出火毒即用骨碎補去毛約壹斤與生

薑等分搗爛以碗覆之候發熱先約取五之一入小葱九莖連鬚去蒂同入沙盆搗細取其汁調前無名異末貳錢衝老酒服之其查瘡患處即愈如年老氣衰者再作一劑多飲酒力助之為妙

潔接骨丹敷貼藥

天南星

木鼈子 各肆

沒藥

乳香 各半

官桂 壹兩

右為細末薑壹斤去皮爛研取自然汁入米醋少許白麪為糊同調攤紙上貼傷處以帛縛之用篋夾定麻索子纏

失其真偽

不詳

三四

跌打傷損 接骨丹 治折骨出臼無草藥討處用此方効

南星生鹽兩 木鼈子叁兩 紫金皮

芙蓉葉 獨活 白芷

官桂 松香 楓香各壹兩

小麥麩貳兩 乳香 沒藥各伍錢

右米醋生薑汁各少許入酒調勻攤油紙上夾縛冬月熱縛夏月溫縛

世治癩撲筋斷骨折用粟米半升木鼈肉貳拾箇半夏半兩婦人髮一團葱白鬚一小束同炒煙盡存性為末熱醋調傅神効 治癩撲筋斷骨折用糯米壹

升阜角切碎半升銅錢百箇同炒至半焦黑去銅錢為末用好酒調膏厚紙攤貼患處神効

走馬散 治折傷接骨

栢葉 荷葉 阜角俱生用

骨碎補去毛各等分

右為末先將折傷處揣定令入元位以薑汁調藥如糊攤紙上貼骨斷處用杉木片夾定以繩縛之莫令轉動三五日後開看以溫葱湯洗後再貼藥復夾七日如痛再加沒藥

乳香膏 治打撲傷損

乳香

五倍子

小麥麵各伍兩

松香

狗骨煨各壹兩

楓香

鍋底墨

右末用好酒調為糊樣熱敷痛處不可敷破處若破爛者只用鳳尾草為末摻之

骨碎補罨閃折筋骨折傷取根搗碎煮黃米粥和之

暴傷處良
搨撲骨肉損醋搗肥阜爛厚罨之以帛縛之同便醋糟平胃散相和罨之

丹治搨傷骨折及血黯方用益元散柴分人參湯調

之次用薑汁好醋貳盞用獨子肥阜肆箇敲碎接於薑汁醋中調和以綿濾過去查煎成膏藥貼之徧身亦可

又方柑橘葉白酒糟杵細縛痛處或大段痛用火燒地令紅用醋并米泔潑地上急鋪薦令患人薦上卧蒸出汗內則服藥外則貼罨易安

續筋白膠香散 治皮破筋斷

右用白膠香為末傅之又方金沸草根搗汁塗筋封口便可相續止痛

治傷斷筋骨續筋方

右取旋復根搗汁滴瘡中仍用滓傅瘡上封之二
七日即筋骨便續更不用易

消重紫金皮散 治打撲傷損金刀箭鏃傷處浮腫

用此

紫金皮 醋炒

南星

半夏

川當歸

黃礬 鹽炒

草烏 炮

川烏 炮

杜當歸

川芎

烏藥

破故紙

川白芷 鹽水炒

劉寄奴

川牛膝

桑白皮 各等分

右為細末生薑薄荷汁無水調傅腫處或傷處皮

熱甚加黃礬皮生地黄半兩有瘡口者勿封瘡口
四邊傅之

本事治打撲傷損及一切腫癰未破令肉消方

生地黄 研如泥 木香 細末

右以地黄膏隨腫大小攤於紙上摻木香末一層
又再攤地黄膏貼腫上不過三五度即愈昔許元
公入京師赴省試過橋墜馬右臂曰脫路入語其
僕曰急與授入曰中若血漬曰則難治矣僕用其
說許以昏迷不覺痛遂僦轎昇歸邸或曰非錄事
巷田馬騎不能了此疾急召之至巳日暮因秉獨

視其面曰尚可治乃施藥封此處至中夜方甦達旦痛止去其封損處已白其青瘀乃移在白上自是日白易之腫直至肩背以藥下之瀉黑血參升五日復常遂得赴試盖用此法云

消腫膏 治胸脇跌墮打撲損傷腫痛或動筋折骨

芙蓉葉

紫金皮各伍兩

白芷

當歸

骨碎補

獨活

何首烏

南星各參兩

橙橘葉

赤芍藥各貳兩

石菖蒲

肉桂各伍錢

右末以熱酒薑汁調乘熱縛腫用葱汁茶清調和

溫縛動筋折骨加山樺子葉毛銀藤皮及葉各伍兩同煎為末酒調暖敷縛

芙蓉膏 治打撲傷損腫痛紫黑色久不退者

紫金皮

南星各壹兩

芙蓉葉貳兩

獨活

白芷

赤芍藥各伍錢

右末生薑汁茶清調溫貼縛

傷損紫黑色久不退者加肉桂伍錢

紫金膏 治赤腫焮熱者

芙蓉花葉貳兩白者

紫金皮壹兩

右生採入生地黄同搗傳貼或為末以雞子清入

蜜少許和勻調入生地黄砍爛和傅

拯損膏 治諸傷損

天花粉

芙蓉葉

紫金皮

赤芍藥

南星

獨活

當歸

白芷 各壹兩

牡丹皮 叁錢

右末薑汁調熱傅貼疼痛甚者加乳香沒藥各少許

松葱膏 治傷損

松香

葱連根葉 炒熱

右杵搗成膏炙熱縛傷處先以生薑砍爛炒熱罨

少時次以此膏貼之退腫住痛

退腫膏 治頭腦破傷損或跌破或刀斧傷處或被

杖棒打破及別處傷

芙蓉葉

地薄荷

耳草葉

澤蘭葉

金桐葉

赤牛膝

大黃 另研末 各等分

右砍爛傅貼傷處中間留孔出氣用澤蘭葉盪軟

貼住冬月用芭蕉葉一日一換藥用茶洗傷處若

傷處浮腫用小青葉搗傅後用尻池葉地薄荷搗

傅後痛不住用葛葉毛藤葉楓葉尾砍傅貼住痛

耳鼻

治擦落耳鼻用髮入罐子鹽泥固濟煨過為末乘急以所擦落耳鼻蘸灰綴定以軟絹縛定効江懷禪師為驢所咬下鼻一僧用此綴之効

眼

一紫散 治傷損眼胞青黑紫色腫痛

紫金皮

童便浸日曬乾

生地黄各等分

右砍爛茶清調勻傅貼餘處傷不用製

一綠散 治打撲眼胞赤腫疼痛

芙蓉葉

生地黄各等分

右砍爛傅貼或為末雞子清調勻傅之

猪

退熱散 治跌磕打傷惟大指中指傷命餘指無妨

山布瓜根多

景天草

澤蘭葉

地薄荷

魚桐根皮

右搗爛冷縛傷處大退身上寒熱

澤蘭散 治跌撲咬傷及咬傷手指并刀斧傷

芙蓉葉

澤蘭葉

白佛桑葉

地薄荷

耳草葉

右搗爛冷縛傷處留口通氣以七葉楊香葉或池

黃葉熱茶盪軟貼住

肩 脚

負重擔肩破者剪猫兒頭上毛不語唾粘之
遠行脚打泡用調生麪糊貼過夜即乾不可擦破又

跌打傷員

小斗六

耳

法用飯粘貼過夜以紙蓋之次日平復神效

內服方藥

表脉浮緊證發熱惡寒體痛此挾有外邪宜發散
四季傷損發散春五積散香蘇散夏香薷飲五苓散
秋正氣散冬和解散加減以上諸方並見傷寒寒熱加柴胡前
胡黃芩頭痛加川芎白芷脚氣加白芷檳榔木香痰
加南星半夏烏梅氣喘加人參木香沈香寒加蒼朮
半夏陳皮右等分吹咀葱白煎空心服
疎風敗毒散 治打撲諸損動筋折骨跌磕墮傷者
當歸 川芎 白芍藥

熟地黄

羌活

獨活

桔梗

枳殼

柴胡

白茯苓

白芷

甘草

紫蘇

陳皮

香附

右生薑生地黃煎入酒和服

加味交加散 治打撲傷損折骨出白發熱惡寒體

弱之人用此服之若體實之人宜疎風敗毒散

當歸

川芎

白芍藥

生地黄

蒼朮

厚朴

陳皮

白茯苓

半夏

跌撲傷損
外科

羌活

獨活

桔梗

枳殼

前胡

柴胡

乾薑

肉桂

甘草

右生薑煎服

有熱除乾薑肉桂

羌活乳香湯 治跌撲傷損動筋折骨發熱體痛挾

外邪者

羌活

獨活

川芎

當歸

赤芍藥

防風

荆芥

丹皮

續斷

紅花

桃仁

陳皮

右生地黄煎服

有熱加柴胡黃芩

裏肝脉搏堅而長脇下痛不可忍宜行瘀血 海藏

云若登高墮下重物撞打箭鏃刃傷心腹胃中停積

鬱血不散以上中下三焦分之別其部分上部易老

犀角地黄湯中部桃仁承氣湯下部抵當湯之類下

之亦有以小便酒同煎治之 更有內加生地黄當

歸煎者有大黃者又法虛人不禁下者以四物湯加

穿山甲煎服妙亦有花榮石散以童子小便煎或酒

服之者此藥與前寒藥正分陰陽不可不辨也若瘀

血已去用復元通氣散加當歸煎服亦可

失業高員

外科

卷二

仲景治馬墜及一切筋骨損傷

大黃壹兩切湯浸或半兩 緋帛

亂髮如雞子大燒灰

敗蒲席叁寸 久用炊單布壹尺燒灰

桃仁肆拾玖箇去皮尖 甘草如中指節炙剉

右柒味以童子小便量多少煎湯或內酒壹大盞次下大黃去查分溫叁服先剉敗蒲席半領煎湯浴以衣被覆斯須通利數行通後立瘥利後浴水赤勿怪即瘀血也

復元活血湯 治從高墮下惡血流於脇下及疼痛不可忍者經云有所墮墜惡血留內有所大怒氣

上而不行下損於脇則傷肝肝膽之經俱行於脇下經屬厥陰少陽宜以柴胡為引用為君以當歸活血脉又急者痛也以甘草緩其急亦能生新血陽生陰長故也為臣穿山甲括萋根桃仁紅花破血潤血為之佐大黃酒製以蕩滌敗血為之使氣味相合各有所歸痛自去矣

柴胡伍錢 當歸 穿山甲炮

括萋根各叁錢 甘艸 紅花各貳錢

桃仁去皮尖伍拾箇 大黃酒浸壹兩

右件桃仁研爛餘藥剉如麻豆大每服壹兩水貳

鍾酒半盞煎至赤分去查大溫服食前以利為度
得利後痛或不盡服乳香神應散方見後
巴戟湯古潔治從高墜下及打撲內損昏冒嗜卧不能
飲食此謂血閉臟腑不通

巴戟

去心

大黃

各半兩

當歸

地黃

芍藥

川芎

各壹兩

右為末水煎以利為度

當歸導滯散東垣治打撲損傷落馬墜車瘀血大便不

通紅腫青黯疼痛昏悶畜血內壅欲歎

大黃

壹兩

當歸

貳錢半

麝香

少許

右參味除麝香別研外為極細末入麝香令勻每
服參錢熱酒壹盞調下如前內瘀血去或骨節傷
折疼痛不可忍以定痛接骨紫金丹治之
又導滯散 治重物壓傷或從高墜下或吐血不能
禁止或瘀血在內胃腹脹滿喘促氣短

當歸

大黃

各貳兩

右為細末每服參錢不拘時溫酒調服

奪命散濟生治刀傷所傷及從高墜下木石壓損瘀血

凝積心腹疼痛大小便不通

水蛭

用石灰拌慢火炒

黑牽牛

貳兩

右末每服貳錢熱酒調下約行四五里再用熱酒
 調黑牽牛末貳錢催之須下惡血成塊以盡為度
 雞鳴散因三治從高墜下及木石所壓凡是傷損血瘀
 凝積氣絕欲死煩躁頭痛叫呼不得並以此藥利
 去瘀血治折傷神妙

大黃

壹兩 酒蒸

桃仁

貳柒粒 去皮尖

右研細酒壹碗煎至陸分去查雞鳴時服次日取
 下瘀血即愈若便覺氣絕不能言取藥不及急擘
 白開用熱小便灌之即愈

清上瘀血湯

治上膈被傷者

羌活

獨活

連翹

桔梗

枳殼

赤芍藥

當歸

梔子

黃芩

甘草

川芎

桃仁

紅花

蘇木

大黃

右生地黃煎和老酒童便服

消下破血湯

治下膈被傷者

柴胡

川芎

大黃

赤芍藥

當歸

黃芩

五靈脂

桃仁

枳實

跌打傷損
失笑散
失笑散
失笑散

梔子

赤牛膝

木通

澤蘭

紅花

蘇木

右生地黄煎加老酒童便和服

大紫金皮散 治打撲傷折內損肺肝

紫金皮

降真香

補骨脂

無名異燒紅酒川續斷

琥珀另研

牛膝酒浸

桃仁去皮

當歸洗焙

蒲黃各壹

大黃濕紙

朴硝另研各

右為細末每服貳錢食前濃煎蘇木當歸酒調服

破血藥 治打撲墮馬從高跌下皮肉不破者此藥

血停積內攻不能言語而或譫妄此宜攻利為先

若皮破血流者宜作金瘡亡血過多治之

柴胡

黃芩

五靈脂

枳實

當歸

赤芍藥

川芎

生地黄

大黃

朴硝

桃仁

紅花

蘇木

右水煎入酒童便和服皮破血流者不用酒

羅氏花蕊石散 治一切金刃箭鏃傷及打撲傷損

猫狗咬傷或至死血瘀傷處以藥摻之其血化為

輕者
內消

失笑散

失笑散

失笑散

黃水再摻藥便活更不疼痛如內損血入臟腑煎童子小便入酒少許調壹大盞服之立効若牛舐腸出不損者急內腸入用細絲或桑白皮爲線縫合肚皮縫上摻藥血止立活如無桑白皮用生麻縷亦得並不得封裹瘡口恐作膿血如瘡乾以津液潤之然後摻藥婦人產後敗血不盡血迷血暈惡血奔心胎死腹中胎衣不下至死者但心頭覺暖急以童子小便調壹盞取下惡物如肝片終身不患血風血氣證若膈上有血化爲黃水卽時吐出或隨大便出

石硫黃

肆兩

花蕊石

貳兩

右貳味相拌合勻先用紙筋和鹽泥固濟瓦罐子壹箇內可容藥候泥乾入藥在內再用泥封口候乾安在四方磚上上書八卦五行字用炭壹秤籠疊周匝自巳午時從下着火漸漸上徹直至經宿火冷炭盡又放經宿確冷取出細研以絹羅子羅極細磁盒盛之依法使用

破血消痛湯東垣治乘馬損傷跌破脊骨惡血流下脇下甚痛苦楚不能轉側妨於飲食

羌活

防風

官桂

各壹錢

蘇木壹錢半

柴胡

連翹

當歸稍各貳錢

麝香火許另研

水蛭叁錢炒去煙盡另研

右為麤末只壹服酒貳大盞水壹盞水蛭麝香另研如泥餘藥煎至壹大盞去火稍熱調貳味服之兩服立愈

經治折傷用水蛭新丸上焙乾為細末熱酒調下壹錢食頃痛更壹服痛止便將接骨藥封以物夾定直候至好

世治從高至下墜及打擊內傷神効麝香水蛭各壹兩剉碎炒煙出貳件研為細末酒調貳錢當下畜血

未止再服其効如神

衍自然銅有人飼折翅鴈後遂飛去今人打撲損傷研極細末飛過用當歸沒藥各半錢以酒調頻服仍以手摩痛處

治墜落車馬筋骨疼痛不止用玄胡索壹兩搗羅為散不計時服以豆淋酒調下貳錢

本童便治卒血及心被打內有瘀血者煎服之壹服壹升

山欖撲傷損松節煎酒喫 欖撲重傷用生薑自然汁肆兩香油肆兩打勻無灰酒熱調下

塞上方治墜傷損撲瘀血在內煩悶者用蒲黃末空心熱酒調下參錢瘕

表裏二十五味藥 治顛撲損傷骨碎骨折筋斷刺痛不問輕重並皆治之

香白芷

紫金皮

破故紙各醋炒

劉寄奴

川當歸鹽炒

赤芍藥米泔浸

黑牽牛

川牛膝茶水浸

生地黄鹽水浸炒

川芎

乳香

沒藥

木通

自然銅骨不碎不用 臨好時用

草烏醋炒孕婦不用

木香

川烏火煨孕婦不用

藿香

骨碎補

木賊

官桂

羌活

獨活已上各壹兩

熟地黄鹽水炒

杜牛膝茶水炒 各半兩

金刀傷挫白者去自然銅骨碎骨折者用之然須於此方內去自然銅臨好時却入用之如早服以成他疾同研為末用蜜為丸如彈子大用黃丹為衣或被顛撲損傷金刀箭鏃不問輕重每服壹丸溫酒磨化服或細嚼酒送下如被刀傷全斷內損重者以薄荷湯或木瓜湯薑湯燈心湯皆可服病在上食後病在下食前在中者不拘時服 老人

骨脉冷宜加當歸川芎川烏木香丁香人參半兩
去白芍藥生地黃

沒藥降聖丹 治打撲傷損筋斷骨折攣急疼痛不
能屈伸及榮衛虛弱外受風邪內傷經絡筋骨緩
縱皮肉刺痛肩背拘急身體倦怠四肢乏力

沒藥另研

當歸酒洗

白芍藥

骨碎補鹽去

川烏頭生去

自然銅火殿醋

次研為末水飛

生地黃

川芎各壹兩半

右為細末以生薑自然汁與煉蜜和丸每壹兩作
肆丸每服壹丸槌碎用水酒各半鍾入蘇木少許

煎至捌分去蘇木空心服

清心

清心藥

治打撲傷損折骨出臼刀斧斫磕等

傷及肚皮傷破腸出者

牡丹皮

當歸

川芎

赤芍藥

生地黃

黃芩

黃連

連翹

梔子

桃仁

甘草

右燈心草薄荷煎入童便和服

本治打撲墜損惡血攻心悶亂疼痛水仙散

未展荷葉陰乾壹味為末食前以童子熱小便壹

小盞調下參錢以利下惡物為度

聖治撲打墜損惡血攻心悶亂疼痛以太乾荷葉伍片燒令煙盡細研食前以童子熱小便壹小盞調參錢七日參服

止痛止痛藥

治打撲傷損折骨出白金瘡破傷

當歸

牛膝

川芎

淮生芋

赤芍藥

白芷

羌活

獨活

杜仲

續斷各壹兩

肉桂

八角茴香

乳香

沒藥各伍錢

南木香

四草丁皮

沉香

血竭各壹錢半

右末老酒調服

散血定痛補損丹

治諸般傷損腫痛

當歸

川芎

赤芍藥

生芋

白芍藥

牛膝

續斷

白芷

杜仲製

骨碎補

五加皮

羌活

獨活

南星製

防風各壹兩半

官桂

乳香

沒藥各壹兩

南木香

丁皮

角茴各伍錢

右末酒調服

定痛當歸散 治諸損腫痛

當歸

川芎

赤芍藥

白芍藥

熟芩

羌活

獨活

牛膝

續斷

白芷

杜仲各貳兩

川烏炮

乳香

沒藥

肉桂各壹兩

南木香

角茴

丁皮各伍錢

右末酒調服

四草定疼湯 治打撲跌墮壓磕等傷腫痛

山薄荷

寶塔草

矮金屯葉

皺面藤葉

右生採葉搗酒服根梗煎酒服

聖靈丹 治一切打撲損傷及傷折疼痛不可忍者

並宜服之

乳香伍錢

烏梅去核伍箇

白米壹撮

蒿苳子壹大盞炒取貳兩捌錢

右為細末煉蜜和丸如彈子大每服壹丸細嚼熱

酒吞下食後壹伏時痛不止再服

活血順氣何首烏散 治打折筋骨初然便宜服此

藥順氣疎風活血定痛

何首烏

當歸

赤芍藥

白芷

烏藥

枳殼

防風

甘州

川芎

陳皮

香附

紫蘇

羌活

獨活

肉桂

右薄荷生地黃煎入酒和服 疼痛甚者加乳香

沒藥

調經散 治跌撲損傷疎利後用此藥調理

川芎

當歸

芍藥

黃芪 各壹錢半

青皮

烏藥

陳皮

熟地黃

乳香 另研

茴香 各壹錢

右作壹服水貳鍾煎至壹鍾不拘時服

本宣和中有一國醫忽承快行宣押就一佛刹醫內人醫診視之已昏死矣問其從人皆不知病之由惶恐無地良久有二三老內人至下轎環而泣之方得其實云因蹴鞦韆自空而下墜歟醫者云打撲傷損自屬外科欲申明又恐後時參差不測再視之微覺有氣忽憶藥篋中有蘇合香丸急取半兩於火上焙

跌打傷損 卷六
去腦麝用酒半升研化灌之至三更方呻吟五更下
惡血數升調理數日方瘥先夫人之喪一守靈婦
登高取物墜下昏冒不省人事予急令煎蘇木湯調
蘇合香丸灌之明日已平復矣

活血活血丹 治打撲傷損動筋折骨跌墮斫磕刀

斧等傷諸般風疾左癱右瘓手足頑麻婦人血風
渾身疼痛冷痺一切損傷悉皆治之

青桑炭 壹斤 當歸 牛膝

川芎 赤芍藥 熟芋

黑豆 酒煮 何首烏 南星 製

白芷 老松節 燒 杜仲 製

破故紙 羌活 獨活

蒼朮 製 防風 荊芥

骨碎補 桔梗 栗問

續斷 各肆兩 草烏 醋煮炒 川烏 炮

肉桂 木鱉子 炒 角茴

地龍 去土 白斂 白芨 煨

細辛 降真香 檀香

松香 楓香 五靈脂

京墨 煨 血竭 乳香

失笑傷損 卷六 五十四

沒藥 各貳兩

右末醋煮秫米粉糊為丸彈子大曬乾以生漆抹
手上挪漆為衣陰乾却以布袋盛挂於風處經久
不壞亦不失藥味每服用當歸酒磨下 傷筋折
骨加自然銅煨醋淬貳兩若金亦出白不可用之
大活血丸 治打撲傷損折骨碎筋瘀血腫痛癱瘓
頑痺四肢痠疼一切痛風等證

青桑炭 壹斤

栗間

骨碎補

南星 製

白芍藥

牛膝

川烏 炮

黑豆 酒煮各壹兩陸錢

自然銅

木鼈子 各捌錢

細辛 壹兩

降真香節

楓香 各叁錢

乳香

沒藥

血竭 各陸錢

右末醋煮秫米粉糊集眾手搓為丸緩則發裂如
彈子大候乾用生漆為衣久則不壞每用壹丸用
無灰酒磨化服

黃末子 治證同前

川烏 炮

草烏 醋煮炒

降真香

楓香

肉桂

松香

薑黃

乳香

沒藥

跌打傷損 外科六

細辛 各伍錢

當歸

赤芍藥

羌活

獨活

川芎

蒲黃

白芷

五加皮

桔梗

骨碎補

蒼木 醋炙

何首烏

川牛膝

片薑黃 各壹兩

右末酒調下欲好之際加自然銅製壹兩只折骨者便可用之

白末子 治證同前

白芷

南星 製

白木

何首烏

桔梗

羌活

獨活

白芍藥

白楊皮

川芎

白茯苓

白斂

當歸

薏苡仁 炒

骨碎補

牛膝

續斷

川烏 炮

細辛

肉桂

楓香

乳香

沒藥 各壹兩

右末酒調下欲好之際加自然銅製壹兩只折骨者便可用之

紅末子 治證同前

獨活

何首烏

南星 製

失藥真員

小科六

三五

白芷

羌活

當歸

骨碎補

蘇木

牛膝

赤芍藥

紅花

川芎各貳兩

細辛

川烏製

桔梗

降真香

楓香

血竭

乳香

沒藥各壹兩

右末酒調下欲好之際加自然銅製壹兩只折骨者便可用之

黑赤子治證同前

雄雞毛燒

桑炭

老松節炒存性

嫩松心

側柏葉醋煮各肆兩

當歸

牛膝

何首烏

黑豆製

南星製

骨碎補

熟地黄

羌活

獨活

赤芍藥

川芎

白芷各貳兩

細辛

肉桂

川烏炮

草烏製

木鼈子

南木香

五靈脂

降真香

乳香

沒藥

楓香各壹兩

百草霜伍錢

右末熱酒調下欲好之際加自然銅製壹兩只折

骨者便可用之

牡丹皮散 治跌撲閃刺傷損滯血疼痛

牡丹皮

當歸

骨碎補

紅花 酒浸

續斷

乳香

沒藥

桃仁

川芎

赤芍藥

生地黄

右水酒煎服却用秫米飯熟罨縛冷又蒸熱換縛

橘木四物湯 治跌撲磕傷滯血體痛飲食少進

當歸

川芎

白芍藥

淮生芩

陳皮

白朮

紅花

桃仁

右生地黄煎服

骨節疼加羌活獨活 痛不止

加乳香沒藥

黑神散 和劑

黑豆 去皮炒

熟乾地黄 酒浸

當歸 去蘆酒製

肉桂 去麩皮

乾薑 炮

甘艸 炙

芍藥

蒲黃 各肆兩

右為細末每服貳錢酒半盞童子小便半盞不拘

時煎調服

當歸補血湯

治金刃所傷及跌磕打撲皮肉破損

失榮傷損

下斗六

五七

亡血過多此宜止痛無補為先若皮肉不破損者宜作瘀血停積治之

當歸

川芎

白芍藥

熟芩

防風

連翹

羌活

獨活

乳香

沒藥

白芷

續斷

杜仲

右生地黃煎入童便和服不可用酒氣虛加人參白朮黃芪按補血須用參芪為君此止用四物亦活血之藥非補血也况加以羌獨防芷之耗

散乎

順氣復原通氣散治打撲傷損作痛及乳癰便毒

初起或氣滯作痛

木香

茴香

青皮

穿山甲

陳皮

白芷

甘草

漏蘆

貝母

各等分

右為末每服壹貳錢溫酒調下

薛按前方治打撲閃錯或惱怒氣滯血凝作痛之良劑經云形傷作痛氣傷作腫又云先腫而後痛者形傷氣也先痛而後腫者氣傷形也若人元氣

素弱或因叫號血氣損傷或過服尅伐之劑或外傳寒涼之藥血氣凝結者當審前條大法用溫補氣血為善

接骨接骨神效無比累驗用當參錢壹百零捌箇厚錢字連以鐵線穿定用活桑木壹根作柴燒錢紅米醋壹大碗未煎者不入鹽將所燒錢焯入醋中如此焯之以醋乾為度取醋中焯落銅錢末就用醋洗去灰曬乾為極細末再用黑雄雞壹隻清湯煮熟去肉用骨壹副以醋炙酥為末入乳香沒藥各壹兩與銅錢末一處和勻每服壹字臨服時用患人髮在頂上者

洗去垢燒灰入藥中無灰酒調服不吐只壹服如吐出再服如痛止不可再服必須先夾縛所折骨端正用楊樹皮刮去肉糊并外麤皮傳之下咽便不痛五七日便能運動必終身忌葶薺一名地栗

一方用五銖錢醋焯壹兩貳錢黑雞骨叁兩研細勻每服病在下肆錢踈服食前病在上貳錢半頻服食後一方有乳香沒藥

潔古方用醋焯半兩錢蘇木定粉南鵬砂各壹錢為末作壹服當歸酒二三服痛止勿服

丹接骨散

丹香

自然

壹兩

沒藥

滑石

白石脂

麝香

乳香

龍骨

自然銅

赤石脂

麝香

烏藥

陳皮

草烏

黑牽牛

金毛狗脊

乳香

龍骨

麝香

自然銅

赤石脂

沒藥

蘇木

松明節

川烏

沒藥

地龍

水蛭

土狗

紅娘子

茴香

川烏

木鼈子

葳靈仙

骨碎補

防風

自然銅

赤石脂

沒藥

蘇木

松明節

川烏

沒藥

地龍

水蛭

土狗

紅娘子

茴香

川烏

木鼈子

葳靈仙

骨碎補

防風

自然銅

赤石脂

沒藥

沒藥 乳香 自然銅 赤石脂
 滑石 龍骨 麝香 沒藥 蘇木 松明節
 白石脂 麝香 後入 少許
 右為細末以好醋浸沒煮多為上候乾就炒燥為
 度臨服入麝香少許挑小茶匙在舌上溫酒下病
 分上下食前後服若骨已接尚痛去龍骨石脂而
 多服儘好

世又方接骨

乳香

降真節

沒藥

川烏

蘇木

松明節

自然銅

龍骨

右為細末每服伍錢酒調下在上食後在下食前

定痛接骨紫金丹

麝香

烏藥

陳皮

草烏

黑牽牛

金毛狗脊

沒藥

地龍

青皮

五靈脂

骨碎補

防風

紅娘子

茴香

川烏

木鼈子

葳靈仙

自然銅

米醋 焙 各壹兩 地龍 去土 麻油 炒半兩

生用 半兩 水蛭 油炒 半兩 土狗 拾箇油 浸炒

生用 伍分 生用 去蘆

各壹兩 炮各 壹兩 伍分 生用

去土 去蘆

各貳 錢半 去皮

去蘆

去蘆

去蘆

去蘆

各壹 錢半

拾箇油 浸炒

去土 麻油 炒半兩

去蘆

去蘆

去蘆

去蘆

去蘆

去蘆

去蘆

失藥易員

禹餘糧肆錢

右為細末醋糊丸如桐子大每服拾丸至貳拾丸
溫酒送下病上食後病下食前服

麥兜散

半兩錢煨醋焙

自然銅煨醋焙

地鼈蟲焙乾

右參味等分每服酒調壹分不可多多則骨高起
矣

一方用五銖錢煨淬研細每服壹麥殼許麤蟲漿調
下

接骨仙方

人骨小兒者尤佳煨壹兩乳香貳錢

喜紅絹壹尺煨存性

末之每服貳錢溫酒下

又方

小兒骨煨壹兩

乳香伍錢

白麪叁錢炒

右為末無根水調為丸如梧桐子大每服叁拾丸
熱酒吞下

搜損尋痛丸 能接骨徧身疼痛久損至骨如金亦
傷則後用之

乳香

沒藥

茴香炒各貳錢

肉桂叁錢

軍薑炒

丁皮

獨活炒

石粘藤炒

川芎

骨碎補炒貳兩

草烏炒黃色

白芷各伍錢

薏苡仁炒各壹兩如筋絕脉絕多加此壹味

赤芍藥炒

當歸

右作末蜜為丸用生薑細嚼溫酒吞下如為末用薑酒調服亦可浸酒喫亦可如折傷則須用藥徧身頑麻方可用藥接骨加草烏壹匕多熱酒調服量人老弱虛實加減用之如其人麻不解可用大烏豆濃煎汁解之如無豆淡煎濃豉亦可如吐加薑汁

金瘡治金瘡白藥

黃礬

黃芩

當歸

赤芍藥

黃芪

牡丹皮

生地黄

木鼈子去殼

黃連

地骨皮

桑白皮

甘草各壹錢半

白芷

馬蓼稍葉生者壹錢火煨過

右用桐油叁兩煎黃色濾去滓再煎油稍熟入細白板松香壹片慢火煎須頻頻柳枝攪勻却入乳香沒藥黃丹各柒錢煎數沸出火頃時以少綿鋪於前濾藥滓布上濾過先用瓦鉢滿盛清水捌分

却濾藥於鉢水中將去清水中如糊麵狀糊三二
 百度愈細愈白故名白藥常以清水浸傾於冷地
 上用物遮蓋勿令塵入五七日一換水刀斧一應
 金傷量傷孔大小取壹塊填於傷孔中以白紙護
 之隨手不疼一日一換五日生肉筋斷加杜仲續
 斷各貳錢同煎收瘡口加龍骨半錢碎了煎入藥
 內打損只敷於油紙上貼之即愈却不須入接筋
 龍骨等劑
 太乙膏治金瘡箭鏃不問輕重并癰疽瘡毒用此
 傳之

白芷

蒼朮

石膏

醋炒

白膠香

乳香

沒藥

黃丹

各伍錢

右為末用真麻油肆兩桐油亦可以黃蠟壹兩先
 煎油柳枝攪次入白芷等煎少頃却入白膠香石
 膏得同煎試欲成珠却入蠟同煎片時用生布濾
 過瓦器收藏用油單紙攤之損傷傳瘡口自然肉
 不痛速愈

理傷膏

治打撲傷損折骨出臼刀斧跌磕等傷

陀僧

黃丹

自然銅

黃蠟

豬油 各肆兩

乳香

沒藥 各壹兩

松香

麻油 各壹斤

右以折傷木皮壹兩釧碎入油煎數沸濾去滓入陀僧黃丹慢火熬成膏次入松蠟融化再熬滴水中成珠為度却入乳香沒藥自然銅末和勻攤貼金瘡神効方

五倍子

降真香

右各炒焦出火毒後研為末等分乾摻虛者加入參末

封口藥 治刀斧傷割喉斷耳缺唇傷破肚皮跌破

陰囊皮等證大効

乳香

沒藥

兒茶

當歸

杉皮炭 各壹錢

麝香 伍釐

片腦 壹分

豬姆臍葉 壹錢

如無此葉用葛藤子葉亦可

右各另研細末秤合和勻入麝碼細次入腦碼勻磁器收貯如缺唇先以小氣針作三截針之用絹線一條兩頭搓豬毛以唾蘸濕抹封口藥於線上將藥線三截穿定却以麻藥抹缺處以剪刀口抹封口藥薄剪去此皮以線即縫合就以雞子黃油搽患處以金毛狗脊毛薄鋪於上却以封口藥末

按於上每日用藥水輕洗去搽油換藥每日只換一次待入日剪去線搽藥

洗藥

桑白皮

荆芥

黃連

黃檗

當歸

白芷

赤芍藥

連翹

生地黄

右煎去滓洗淨

麻藥

川烏

草烏

南星

半夏

川椒

右末唾調搽之

本事地黄散 治金瘡止血除疼痛辟風續筋骨生

肌肉

地黄苗

地菘

青蒿

蒼耳苗

生艾汁參合

赤芍各伍兩入
承煎取汁

右五月五七月七日午時修合以前藥汁拌石灰陰乾入黃丹參兩更杵為細末凡有金瘡傷折出血用藥包封不可動十日瘡不腫不膿

世治金瘡風化石灰菲葉嫩者同搗入鵝血調和成餅乘風陰乾為末傳上無鵝血亦得治金瘡血不止用

半夏石灰鬱金三物爲末摻上傷處卽住

崔療金鎗刀斧傷破血以石灰壹升石榴花半斤搗取末少許捺少時血斷便瘥

百草散 治金瘡

右五月五日平旦使四人出四方各於五里內採一方草木莖葉每種各半把勿令漏脫一事日正午時細切碓搗并石灰極令爛熟壹石草斷壹斗石灰先鑿大實中桑樹令可受藥取藥納孔中實築令堅仍以桑樹皮蔽之用麻油搗石灰極粘密泥之令不泄氣又以桑皮纏之使堅牢至九月九

日午時取出陰乾百日藥成搗之日曬令乾更搗絹篩貯放凡一切金瘡出血傷折卽時以藥封裹治使牢勿令動轉不過十日卽瘥不腫不膿不畏風若傷後數日始得藥須暖水洗令血出然後傅此藥大驗平時無事宜多合以備倉卒金瘡之要無出於此一方云採時不得回頭任意摘取方回入杵臼內爛搗如泥量藥多少以意入石灰和勻取出拍成膏日中曝乾遇用旋取撚碎若刀斧傷乾傅取血止爲度湯火傷冷水調開塗傅蛇蝎犬鼠咬傷先以溫水洗以津液調傅疥瘡先抓損以

藥末乾貼濕癬以醋調傳其効如神

灰彈散 治刀斧傷血出不止及多年惡瘡

右用多年石灰細研雞子清調成團煨過候冷再研細若刀斧傷摻之患處若多年惡瘡以薑汁調傳一方單用石灰摻患處裏定並瘥

潔古末藥散 刀箭藥止血住痛

定粉

風化灰各壹兩

枯礬叁錢

乳香伍分

沒藥壹字各

右件各研為細末同和勻再研摻之

生肌止血立効方 治金瘡辟一切風冷續筋骨

石灰

貳升搗生地黄清高汁和作團火煨赤細研

狗頭灰

細研

芎藭

艾葉

地松

蜜陀僧各半兩

黃丹壹兩

麒麟竭叁分

右為細末研勻密封之每遇金瘡傳之

丹溪云刀斧傷石灰包之痛止血住

精勝金方治刀斧傷止血生肌蠶蛾散晚蠶蛾為末摻勻絹帛裹隨手瘡合血止一切金瘡亦治一法用生晚蠶蛾石灰二味同搗成餅陰乾為末傳之凡殺傷不透膜者

右用乳香沒藥各壹皂子大研爛以小使半盞好

跌撲傷損 卷六

酒半盞同藥通口服然後用花蕊石散或烏賊魚骨或龍骨為末傅瘡口上立止

殺傷氣偶未絕

右取葱白熟鍋炒熟徧傅傷處頃即再易其痛自止但青葉亦可

本劉寄奴散 治金瘡止痛

劉寄奴一味為末散摻金瘡口裏昔宋高祖劉裕微時伐荻見大蛇長數丈射之傷明日復至聞有杵臼聲往覘之見青衣童子數人於日中搗藥問其故答曰我王為劉寄奴所射合藥傅之帝曰神

何不殺之答曰寄奴王者不死不可殺帝叱之皆散收藥而去每遇金瘡傅之效寄奴高祖小字也此藥非止治金瘡治湯火瘡大妙經驗方云劉寄奴為末先以糯米漿雞翎掃着傷處後摻藥末在上並不痛亦無痕大凡湯火傷急用鹽水洗之護肉不壞

世治金瘡打撲損傷用葦黃草研細入鹽少許罨之

愈 金瘡血出不止按小煎葉封之 金瘡止血杵

覆盆花苗傅瘡立止梅師

本治金瘡血不止無痛用血竭末傅立止

失美易員

精治惡瘡金瘡刀斧傷見血方以好降真香為末貼之入水並無傷痕絕妙方見華陀中藏治刀箭傷出血不止并骨折

檳榔 壹箇

木香

胡地黄 各參錢

右為末傳瘡口血立止又可接骨

神仙刀箭藥

右取桑葉陰乾為末乾貼如無旋熨乾為末傳之一方用新桑葉研取白汁塗之能合金瘡治刀斧傷磕擦及破傷風浮腫者

右用平胃散以薑汁調傳若急卒只以生薑和處

爛搗罨患處止痛截血且無疤痕
又方

用海船縫內久年油灰研碎搽之

治刀傷及竹木刺出血

右急以自已小便淋洗三二次立止不妨入水

治金瘡

右以牛蒡葉貼之永不畏風亦不潰膿及搗傳之

麒麟竭散 治刀箭傷筋斷骨止痛定血避風

麒麟竭

白芨 各半兩

黃檗

蜜陀僧

白芷

白斂

當歸炒

炙甘草各壹兩

右為細末每用少許乾摻瘡上立効

如神散 治一切刀斧所傷血出不止并久患惡瘡

虎骨炙研

鉛丹火煨

龍骨研各半兩

乳香如皂子大另研

膩粉研

丹砂研各壹錢

麝香少許另研

右研極細勻一切瘡以黃連湯或鹽湯洗拭乾摻藥在瘡上不得衣粘着瘡口

金傷散 治金刃箭鏃所傷血出不止及落馬打傷

肉綻血出

白芨

白斂

乳香各壹兩

石灰半斤遠年者佳

龍骨半兩

黃丹少許

右為細末入黃丹研如淡紅色每用乾摻患處上用軟紙更以絹帛裹護忌風水乾痂為妙

定血散 治一切刀傷血出不止收斂瘡口

南星生

槐花炒

鬱金各肆兩

半夏生用貳兩

乳香研

沒藥另研各貳錢半

右為細末研勻每用乾摻患處忌水洗

降真香末

五倍子末

銅削下鏡面銅於乳鉢內各

研細分

右拌勻傳損處昔安豐手擊宋嵩碎首用此而愈
治金瘡傷損血出

右用生牛膽入石灰末候乾摻上即止以臘月牛
膽入風化石灰懸當風處候乾用

五倍散 治金瘡血出不止亦治疔瘡

右以五倍子生研為末乾貼血立止

神奇散 治刀斧傷并箭傷血出不能止者

麒麟竭

沒藥 各研
乾薑 燒灰

自然銅 煨
鉛丹 炒黑

膩粉

瓦蘇 各壹分

麝香 少許

右為細末和勻先以鹽湯洗瘡却以燒葱搗汁塗
然後乾摻瘡上三二次

軍中一捻金散

金櫻葉

嫩苧葉 各貳兩

桑葉 壹兩

右搗爛傳若欲致遠陰乾作末用帛縛上血止口
合名草蝎經進方以五月五日或閉日收藥良

治諸傷瘀血不散

右於五六月收野苧葉搗爛塗金瘡上如瘀血在
腹用順流水搗爛服即通血皆化水以歠豬血試

之可驗秋月恐無葉可早收之

龍骨散 治金刃箭傷生肌長肉定痛止血諸瘡斂

石

龍骨

滑石

枯礬

寒水石

乳香

沒藥

黃丹炒各半分

輕粉少許

右為細末每用乾摻外用膏藥貼之效

金傷散 治刀斧傷辟風生肌止痛

白芨

黃丹

陳石灰風化

桑白皮各貳兩

龍骨

南星

白附子各壹兩

右為細末每用乾貼之

完肌散 治金瘡

陳石灰貳兩

黃丹半兩

龍骨

蜜陀僧

桑白皮各肆兩

麝香壹錢另研

右為細末乾摻患處

生肌膏 治金瘡及一切打損瘡

胡粉

白芍藥

熏陸香

乾薑炮各壹兩

油肆兩

黃蠟貳兩

右為細末以油蠟相和煎如膏用貼瘡上日一換

乏

治金瘡生肌肉

右生搗薤白以灰封之更以灰就炙令熱氣徹瘡中乾即易之白色者好亦治金瘡中風水腫痛

止血收瘡口方

右以雞內金焙為末傅之立止

定血散 治刀斧傷止血定痛生肌

蜜陀僧

半斤

烏賊魚骨

龍骨

白礬

杜各貳兩

桑白皮

壹斤

黃丹

壹兩

右為細末每用乾摻患處定血如神

松皮散

治金刀箭鏃傷用此生肌

老松皮

壹兩

石灰

貳兩礬者以瓦盛之上用瓦蓋灰火四畔上卡

煉壹夜至曉研細

右為細末和勻傅之止血收瘡口立效

藥蛆方

治金瘡內爛生蛆者

右以阜礬飛過乾貼其中即斂

蒲黃方

治金瘡中風寒水露腫痛入腹

右用蒲黃并舊青布內在小口瓶中燒取煙熏瘡

汁出愈

治金瘡因風水腫

失業

小

三

右取蠟不以多少テセ溶化入鹽少許滴在瘡上或先以鹽罨瘡上後熔蠟令熱得所灌瘡中亦可

艾葉方 治金瘡中風掣痛并手足不仁

右用艾葉生熟者令揉團得所內瓦甑中塞諸孔獨留一自以通氣熏蒸患處良久身體自知立愈

仲景金瘡方王不留行散主之

王不留行八月八日採

桑根用白皮根行東南者三月三日採

川椒參分除目及閉口者出汗

乾薑

葫蘆細葉七月採

甘草各拾分

黃芩

厚朴各貳分

瘡大者服藥

右九味桑根皮以上三味燒灰存性勿令過各別研杵篩合治為散服方寸匕小瘡即粉之大瘡但服之產後亦可服如風寒桑東南根勿取之前三物皆陰乾百日用

定痛乳香散 治金傷并折骨打撲傷損

乳香

沒藥各貳錢

敗龜板壹兩

紫金皮貳兩

當歸鬚

骨碎補

虎骨酥炙各半兩

穿山甲火炒少許

半兩錢伍箇如無以自然銅火煅醋淬代之

右為細末每服壹錢如病沉服貳錢以好酒調服

大業通方員

損上者食後服損下者食前服

地榆絹煎 治刀刃所傷內損大腸及兩脇肋并腹
肚傷破大便從口中出并中大箭透射傷損腸胃
及治產後傷損小腸并尿囊破小便出無節止此
方神妙餌至一服其藥直至損處補定傷痕隔日
開瘡口看之只有宿舊物出即無新惡物出瘡口
內用長肉散子作燼子引散藥入瘡裏面候長肉
出外其痕即自合

地榆

剉南洗淨壹疋小
搗為細末絹薄者

右用清水洗淨絹糊以炭灰淋清汁貳斗煮絹灰

血不止

汁盡為度絹以爛熟擘得成片段伍寸至叁寸即
取出壓盡灰汁於清水內洗三五度令去灰力盡
重入鍋內以水貳斗入地榆末煎者熟爛以手撚
看不作絹片取入砂盆研之如麵糊得所分為二
服用白粳米粥飲調空心服之服了仰卧不得驚
動轉側言語忌一切毒食熟爛黃雌雞白米粳飯
餘物不可食之其餘一服至來日空心亦用粥飲
調服其將養一月內切須慎護如是產後所傷服
壹疋分作四服每服粥飲壹中盞調服日一服
刀傷血不止一味白芍藥散白酒調服即以散摻傷

處其有血出不止勢難遏者用龍骨乳香等分研末

室患處地魚草搗塞尤妙

廣金瘡血不止痛白芍藥壹兩熬令黃杵細為散酒

後米飲下貳錢並得初二服漸知

當歸散一名內補散治金瘡去血多虛竭此藥內

補

當歸微炒

川芎

乾薑炮

川椒去目閉白桂心

黃芩

桑白皮

吳茱萸湯浸

白芍藥

炙甘草各半

肉桂各半宿去皮炒乾

人參

黃芪

厚朴去麩皮

熟各壹兩

右為細末每服貳錢食前溫酒調下日三四服

方有白芨無黃芩桑白皮

內塞散

治金瘡去血多虛竭疼痛羸弱內補

黃芪

當歸

白芷

芎藭

乾薑

黃芩

芍藥壹兩

續斷各貳兩

附子半兩

右為細末每服伍分七食前酒調下日三服稍增

至方寸七一方無芍藥

蒲黃散 治金瘡血出腹脹欲死

蒲黃

生地黄 各壹兩半

黃芪

當歸

芎藭

白芷

續斷 各壹兩

炙甘草 叁分

右為細末每服參錢七空心酒調下日三四服血化為水而下若口噤幹開口與之仍加大黃壹兩半

神仙止血散

龍骨 五色緊者

訶子 去核各壹兩

白石脂

苧麻葉

五月五日午時採陰乾各半兩

右為細末每服壹錢半食遠水調服之如修合時忌婦人雞犬見

治金瘡出血內漏用蝙蝠貳枚燒煙盡以水調服方寸七令一日服盡當下血如水血自消也

血出不透致瘀滯為患傷處赤腫或攻四肢頭面並雞鳴散或煎紅花調黑神散

金瘡腸出欲入之磁石滑石各叁兩為細末白米飲送下方寸七日再用 鬼遺方

磁石散 治金瘡腸出宜用之

失業易員

小斗六

七

磁石

煨研

滑石

研

鐵精

各參兩

右為細末研勻每服壹錢七溫酒調下空心日午
晚間各一服仍以針砂塗腸上其腸自收入一方
用白米飲調服一方無鐵精

治傷破腸出不斷腸出欲燥而草土着腸者

右作大麥粥取汁洗腸推內之常研米粥飲之二十
十日稍稍作強糜百日後乃可蹇草土當踈在皮

外

治金瘡中腸出不能入者

右以小麥參升用水玖升煮取伍升綿濾過候冷

含噴瘡上漸入以冷水噴其背不宜多令人見亦
不欲令傍人語又不可令病人知或尚未入取病
人卧席四角令病人舉身搖須臾腸自入十日內
食不可飽頻食而少勿使病人驚驚則殺入
治金瘡腸出者

右以桑白皮作線縫之更以熟雞血塗上立愈唐
安藏剖腹用此法効

敗弩筋散

治金亦弓弩所中筋急不得伸屈

敗弩筋

燒作灰

秦艽

去苗

杜仲

去皮

熟地黄

焙各半兩

附子

炮去皮臍

當歸

切焙各壹兩

跌打傷損 外科六

大棗 叁枚取 肉焙

右為細末每服貳錢七温酒調下空心日午夜卧各一服一方有續斷無大棗

煩悶 生乾地黄散 治金瘡煩悶

生乾地黄 白芷 當歸炒

桃仁去皮尖雙 仁麩炒 續斷 黄芩

赤芍藥 羚羊角屑 炙甘草各壹兩

芎藭 桂心各叁分

右為細末每服貳錢食前温酒調下日三四服

白薇散 治金瘡煩悶不得眠卧疼痛

白薇 枳實炒 辛夷仁

括蓐根 赤芍藥 炙甘草各壹兩

酸棗仁貳兩 微炒

右為細末每服貳錢食前温酒調下日三四服

琥珀散 治金瘡弓弩箭中悶絕無所識

右用琥珀研如粉以童子小便調壹錢服三服瘥

高祖時寧州貢琥珀枕碎以賜軍士傳金瘡

痙 虎骨散 治金瘡中風痙肢節筋脉拘急

虎脛骨 敗龜板各酥炙 當歸

乾竭各微炒 桃仁去皮尖雙 仁麩炒 芎藭各壹兩

疾美傷員 外科六

黑豆

伍合

松脂

貳兩

桂心

叁分

右先將松脂并黑豆炒令熟後和諸藥搗為末每服貳錢不拘時溫酒調下

豆淋酒

治因金瘡中風反強者

大豆

陸合

雞矢白

壹合

右炒冷大豆焦黑次入雞矢白同炒乘熱瀉於叁升酒中密蓋良久濾去滓每服伍合如人行五里更一服汗出佳未瘥即更作服之汗出為度服後宜喫熱生薑粥投之

必効酒

治金瘡中風角弓反張者

右用蒜四破去心頂壹升以無灰酒肆升煮蒜令極爛并滓每服伍合頓服之須臾得汗則瘥

又方 治金瘡中風瘳欲死者及諸太脉皆血出多不可止血冷則殺人

右用生葛根壹斤剉碎以水伍升煮取叁升去滓每服熱飲壹小盞日三四服若乾者搗為末每服貳錢溫酒調服若口噤不開但多服竹瀝即止

塗封方

治金瘡中風角弓反張

生雞子

壹枚

烏麻油

叁兩

右先將雞子打破與麻油相和煎之稍稠待冷塗

封瘡上

葫蘆方 治金瘡得風身體痙強口噤不能語或因打破而得及刀斧所傷得風臨成服此並瘥
右取未開葫蘆壹枚長柄者開其口隨瘡大小開之令瘡大小相當可繞四邊閉塞勿使通氣上復開一孔取麻子油燭兩條並燃以葫蘆口向下熏之燭盡更續之不過半日即瘥若不止亦可經一二日熏之以瘥為度若燭長不得內葫蘆可中拆用之

元史布智兒從元太祖征回回身中數矢血流滿體

太祖命取一牛剖其腹納之牛腹中浸熱血內移時遂甦

李挺從伯顏征郢州砲傷左脇矢貫於胸幾絕伯顏令剖水牛腹內其中良久甦

按此以血補血之良法也虜日以弓矢為事以意為救效扶傷之法反出吾中國上業醫者守效方治活病寧不自愧

羅謙甫踴鐵膏取箭頭一切針刺入肉箭頭入肉

麩鼠頭壹箇或用人 蠅蛄肆拾
油內熬 玢枚

芫青壹兩 土消蟲拾箇 巴豆

跌打傷損

馬肉内蛆

焙乾

信

醬蛆

焙乾

夏枯草

礶砂

磁石

黃丹

地骨皮

蘇木

螻蛄

石腦油

蒿柴灰汁

右將石腦油蒿柴灰汁文武火熬成膏次下地骨皮等末令勻磁器内收臨時用量瘡勢大小點藥良久箭頭自湧出

箭頭入肉雄黃散

治藥毒箭頭在身未出

雄黃

壹分

粉霜

半兩各

螻蛄

肆枚研

巴豆

叁粒去皮殼別研如泥生用

右同研勻以銅筋頭取乳汁塗點瘡上頻頻用之七日瘡熟箭頭自出

紅散子 摩金瘡上

草烏尖

麒麟竭

茄子花

蔓陀羅子

蓖麻子

去殼細研

右為細末好酒調如膏瘡口上塗摩之箭頭自出

牡丹散

治金瘡箭頭在骨遠年不出

牡丹皮

去心

白斂

各壹兩

桑白皮

貳兩

藿香葉

丁香

麝香

研各壹分

右為細末每服貳錢七温酒調下日三服淺者十

日深者二十日箭頭自出

瘰癧丸 治金瘡箭鏃在骨中遠年不出者

瘰癧 伍枚 乾者

蝮蝨 叁枚 乾者

赤小豆 壹分

赤鯉魚鮓 壹兩

硃砂 壹錢

紅花末 叁錢

右研細以鮓研和丸如菽豆大如有瘡口只於瘡口內絰壹丸如無瘡口以針撥破內藥不過叁丸至伍丸箭頭自動輕搖即出

出箭頭方

蜣螂 自效者 拾箇

土狗子 叁箇

婦人髮灰 少許

右將蜣螂去殼取白肉與一口味同研如泥用生塗

中箭處如膏塗後內微痒即以兩手摩之其箭頭自出

解骨丸 治箭鏃不出

雄黃 研

蜣螂 研

象牙末 各等分

右為細末煉蜜和丸如黍米大內瘡口內後細嚼羊腎脂摩貼之覺痒箭頭自出

治箭鏃入骨取不出疼痛宜用此方

巴豆

蜣螂 各叁枚

右研塗所傷處候痛定微痒忍之極痒不可忍即撼動拔出次用生膏藥傅之以黃連貫衆湯洗畢

以牛膽製風化石灰傳之無治惡瘡

夏侯鄴云初在潤州得方箭鏃出後速以生肌膏傳之說者云無治瘡鄴得方後至洪州旅舍主人妻患背瘡呻吟鄴速用此方試之愈

治箭頭不出方

磁石

生搗研極細

雄黃

研各參分

右用研勻每服貳錢七空心菘豆汁調服十日後輕撥便出手足上用此藥貼之自出

取箭鏃方

右用天水半壹箇獨角小者尤妙用小瓶盛之用

礪砂壹錢研細用水些少滴在內浸自然化水以藥水滴在傷處箭頭自然出也

淮西總管趙領衛名厲殿嚴密之子云仇防禦方張循王屢求不得因奏知德壽宣取以賜之有奇効與楊氏方中用巴豆蟻螂者大率相似

治箭頭在咽喉中或胃膈中及諸處不出者

右用鼠肝五具細切爛研傳之無以鼠腦髓或鼠頭血塗之並良亦治人鍼折在肉不出并刀办傷牛膝膏 治箭頭在咽喉中或胃膈中及諸處不出者

右搗牛膝不拘多少為末以熱水調塗箭頭即出
若火瘡灸瘡不瘥者塗之亦効

治箭頭在肉不出方

右以白項蚯蚓拾肆條內銅器中次入鹽壹兩於
日中曝並化作汁塗有箭鏃并刀傷須臾痒則出

又方 治箭頭及諸刀亦在咽喉胸膈諸處不出者

右嚼杏仁不拘多少塗之方研杏仁細傳之

又方 治箭鏃中傷在咽喉胸膈不出及針刺不出
者

右用蜈蚣即土狗蟲乾者濃煎汁滴上三五度箭

頭自出一方以蜈蚣腦拾枚細研塗瘡上亦出

鼠油膏 出箭頭

鼠壹枚熬取油

蜚螂

皂角 燒灰

定粉

龍骨 各壹錢

乳香 少許研

右為細末以鼠油和成膏點藥在瘡口內其上更
用磁石末蓋之箭頭自出

胡椒餅 出箭頭及木竹刺入肉不得出者

胡椒 研末

右以飯搗爛入胡椒末和一處貼傷處不過一二
餅即出或搗蜚螂傳即出或以賭錢牛蟲搗傳亦

妙

萬全神應丹出箭頭魚骨針麥芒等遠近皆治之

莨菪科即天仙子苗也

於端午日前一日持不語戒遍尋上項科見即取
酌中一科根枝葉實全者口道先生爾卻在這裏
道罷用柴灰自東南為頭圍了用木篋子擲起周
迴土次日端午日日未出時依前持不語用木擲
只一擲取出水洗淨不令婦人雞犬見淨室中石
臼內搗為泥丸如彈子大以黃丹為衣以紙袋封
懸在高處陰乾若有箭不能出者以緋絹袋盛

解毒箭

此藥壹丸放臍中用綿裹肚繫定先用象牙末貼
瘡上後用此藥若箭瘡口生合用刀子微刮開以
象牙末貼之隨出陝西行省出軍曾用有効

本療鏃不出搗括蓂根傳瘡日三易自出

世李渤治箭鏃不出及惡刺以齒塗和鶴蝨傳之

姚毒箭有二種交廣夷俚用焦銅作箭此一種纒傷
皮便悶膿沸爛而歿若中之用飲屎汁并以傳之亦
可惟此最妙又有一種用射齒以塗箭鏃人中之亦
困若着寬處不歿近腹亦宜急治今葛氏方治射齒
者是葛氏方用藍汁木
豆猪羊血解之

藍汁飲 治毒箭所中

右搗藍汁壹升飲之滓傳瘡上若無藍取青布清絞汁服之并淋瘡中鏃不出搗鼠肝塗之鼠腦亦得用之即出

貝子散 治毒箭

右以貝子搗為末每服壹錢匕温酒調下不拘時日三四服此方治中毒并金瘡止痛

竹木刺針入肉綠礬散 治竹草刺瘡發腫作疼傷

時不會出血盡被惡毒氣注痛不止夜卧不安初破時其瘡紫赤黑色較時起三五重皮是也

綠礬 半兩小便燒熱放礬於內候冷取出日乾

麝香 壹字 馬兜鈴根 壹錢

丹參 貳錢

右為細末漿水洗淨瘡口上敷貼立効

又方 治被刺入肉或鍼棘竹木等多白不出疼痛

龍葵根 壹把洗淨取皮 人參 壹兩俱為末 醋 少許

臘月豬脂 壹兩

右和搗令勻每用少許傳瘡上其刺自出

治手足卒中刺中水毒方

韭 藍青

右搗置瘡上以火炙熱徹即愈

又方

右嚼鼓不以多少塗之良若治狐尿刺入者當看鼓中有毛為度如無再傳之

治竹刺不出者

右爛研草麻以絹帛襯傷處然後傳藥時時看觀若覺刺出即拔恐藥太緊并好肉努出也一方亦用絹襯

牛蒡葉散

治一切金木竹所傷

右用牛蒡葉惡實是六七月收者風乾為末每用乾摻不得犯別藥如經暑月蠅蟲下蛆在瘡上或

因肌肉生合有成窠子者即用杏仁研成膏手搽作條子入在窠內其蛆蟲自出

治刺傷中風水疹腫

右用鯉魚目燒灰研傳患處汁出即愈諸魚目皆可用鯪魚目尤佳

松脂方

治刺入肉疼悶百理不瘥

右以松脂傳瘡上以帛裹三五日當有根出不痛不痒不覺自落甚良

治針入肉方

右刮指申末同酸棗仁搗爛唾調塗上次日定出

一方用酸棗核燒為末服之

又方 治烏雄雞刺在肉中不出者及治竹木針刺
右用烏雞尾翎二十七莖燒作灰以乳男子妳汁和
封瘡口其刺即出

桂蠟丸 治惡刺入肉

右用桂去麋皮搗為末熔黃蠟丸看病大小置於
內濕紙三五重搭蓋以火燻候藥丸熔入肉其刺
自出如無刺所傷者尤見愈速

精凡諸竹木刺入肉中不出以蟾蜍研傅立出 又
方用白茅根搗傅之立出 又方嚼牛膝根罨之即

出

簡治竹木刺扎入深不得出用烏羊糞搗爛水和罨
於傷處厚傅之曾有莊僕脚心中刺不得出苦痛欲
死以此藥黃昏傅之至四更其刺出遂安

山蘆葦刺入肉者細嚼栗子查罨傷處 木竹刺已
出痛者螻蛄罨之妙

簡治針入肉不出用螻蛄腦子同硫黃研細調傅以
紙花貼定如覺痒時其針自出

羅神聖膏取針候入皮膚用車脂不拘多少成膏攤
紙上如錢許二白一換三五次其針自出 又取針

候入皮膚用烏鴉翎三五枚火炙焦黃色碾為細末
好醋調成膏子塗在瘡上紙蓋一二時針出効
簡治針入肉不出用雙仁杏仁搗爛以車脂調勻貼
在瘡上其針自出

世治秀針刺足已出痛者用黃泥罨之

簡主小兒候為諸骨及魚骨刺入肉不出者水煮白
梅肉研爛調象牙末厚傅骨刺處自輒

圖生象牙主諸物刺入肉刮取屑細研和水傅瘡上
刺立出如咽中刺用冰調飲之舊象梳屑尤佳

孟魚骨在肉中不出者嚼吳茱萸封之骨當爛出

因服

丹破傷風血凝心針入肉游走三證如神方用烏鴉
翎燒灰存性研細調壹錢服

扶瘡鬼代丹主打着不痛

無名異

沒藥

乳香各研

地龍去土

自然銅醋煅

木鼈子去殼

右為末煉蜜丸如彈子大溫酒下壹丸打不痛

精乳香散 治杖瘡神効

自然銅半兩醋煅

沒藥各參

茴香肆錢 當歸半兩

右為細末每服伍錢溫酒調下

外傳

雞鳴散下杖痛腹中惡血甚好方見
五黃散 治杖疼定痛

黃丹 黃連 黃芩
黃礬 大黃 乳香各分

右為細末新水調成膏用緋絹上攤貼
潔古沒藥散 治杖瘡止痛令瘡不移

蜜陀僧 沒藥 乳香各壹兩
乾胭脂壹兩半 膩粉半兩

右細末次入龍腦少許若多更妙燒葱與羊骨髓
生用同研如泥攤在緋帛上貼之

治杖瘡

片腦 麝香各伍分 龍骨
蜜陀僧 胭脂 輕粉
乳香 沒藥 寒水石煨各壹錢

右為細末乾摻瘡上四邊以生麪糊圍定次用緋
紅絹帛貼之

乳香散 治杖瘡腫痛
大黃 黃連 黃礬
黃芩各叁錢 乳香
片腦少許 沒藥各另研壹錢

右為細末研勻冷水調攤緋絹上貼之

治杖瘡

血竭

輕粉

乾胭脂

蜜陀僧

乳香

沒藥各等分

右研細末先以冷水洗淨拭乾以豬脂調搽紅紙

貼之愈

龍腦潤肌散 治杖瘡熱毒疼痛

龍腦壹字

輕粉壹錢半

麝香

蜜陀僧貳錢

黃丹壹兩

右為細末每用乾摻上用青帛貼之內留一孔

丹溪云杖瘡痛用黃檗生地黃紫荆皮傳此皆要藥也只是血熱作痛用涼藥去瘀血為先須下雞鳴散之類

又方用生地黃黃檗重便調傅或加葶汁不破者

以韭菜葱頭杵貼冷即易之膏藥用紫荆皮乳香沒

藥生地黃大黃黃檗之類 又方用木耳盛於木枋

內用沸湯浸爛攪水令乾於砂盆內搗細傅瘡上

又方用大黃黃檗為末生地黃汁調傅如乾再傅

又方用野苧根嫩者不拘多少洗淨同鹽併搗傅在瘡上神妙傷重多用鹽

跌打傷風

世杖瘡丹用劉寄奴未陸錢馬鞭草未肆錢蜜調傳

如濕者乾摻馬鞭草即鉄先

圍藥 治腫未破用此消腫定疼

無名異

木耳去土

大黃各炒各等分

右為極細末用蜜水調圍四邊腫處

傅杖瘡妙方 治棒杖打腫痛者

豬姆睜

地園荑

田茶菊

地薄荷

血見愁

山薄荷

澤蘭葉

生地黃

右搗爛取汁泡酒服以滓傅貼

又方

金屯葉

寶塔草

山薄荷

豬姆睜

芙蓉葉

地薄荷

桑葉尾

澤蘭葉

右搗爛取汁泡酒服以滓和大黃末傅貼

又方

豬姆睜多

澤蘭葉

生地黃根葉俱用

右搗爛取汁泡酒服以查傅貼

又方

朴樹葉

水圻葉

失傳

小計

七百

右搗爛傳貼

又方

菜豆粉

側柏葉

各研等分

右以雞子清和榕油打勻調豆粉攪勻時時以鴨毛掃之

又方

大黃

參兩

檳榔

參錢

石膏

假陸兩

右末用豬膽汁雞子清榕油打勻入末攪勻時時鴨毛掃塗之

生肌桃花散

輕粉

血竭

蜜陀僧

乾胭脂

各壹錢

右研細每用乾摻仍以膏藥貼之

靈異膏

治杖瘡金瘡癩撲皮破湯火傷久年惡瘡

川鬱金

參兩

生地黄

貳兩

粉草

壹兩

臘豬板脂

壹斤

右剉細入脂內煎焦黑色瀘去滓入明淨黃蠟肆兩熬化攪勻以磁器貯之水浸久去水收用時先以冷水洗瘡拭乾却敷藥在瘡上外以白紙貼之止血定疼且無癢痕湯燙火燒不須水洗治凍瘡

失其真偽

小年六

九

尤妙

乳香膏 治金瘡杖瘡神効

乳香

自然銅各半

獨活

劉寄奴

破故紙

熟地黄

紫金皮

黃蠟壹兩

沒藥

當歸

川牛膝

黑牽牛

白膠香

赤芍藥

黃丹

青油肆兩

川芎

羌活

石膏

黃蘗皮

生地黄

白芍藥

白芷各伍錢

右除膠香丹蠟外餘藥為末入油內煎以柳枝不
在手攪試將成膏却入參味更試成膏以生布濾
淨以瓦器盛水傾在水中用篋攤開貼瘡孔深者
燃成膏條穿入孔中不問淺深放瘡如作熱加
輕粉片腦朴硝入膏內貼之

銀粉膏 治杖瘡

光粉壹兩

赤石脂

乳香

樟腦各壹錢

沒藥

水銀貳錢半

難貼

右未用豬脂貳兩黃蠟伍錢融化調末成膏油紙

又方

水銀

樟腦各貳錢

乳香

沒藥

血竭各壹錢

片腦壹分

黃蠟

水牛油

豬油各壹兩

右末先將油蠟溶化候冷和末攪勻油紙攤貼

牛脂膏 治杖瘡神效

乳香

沒藥

樟腦各伍錢

黃蠟肆兩

水牛油壹斤

右末先熔蠟次入油和勻調末攪勻油紙攤貼或以天羊葉攤貼極妙

紅膏藥 治杖瘡及腫瘡

黃丹飛炒貳兩

乳香

沒藥

兒茶

血竭

硃砂

樟腦

水銀各壹錢

麝香

片腦各壹分

黃蠟

水牛油

豬油各壹兩

右末先以蠟溶化次入油和勻候冷入末攪勻油

紙攤貼腫瘡作隔紙膏貼之

白膏藥 治杖瘡及腫瘡

光粉貳兩

甘石根水淬飛過

白石脂煨

龍骨

乳香

沒藥

楓香

樟腦

水銀

麝香

片腦

黃蠟

柏蠟

豬油

黃蠟

右末先熔蠟次入油和勻候冷調末攪勻油紙攤

貼臙瘡作隔紙膏貼之

黑膏藥 治杖瘡及諸瘡神效

防風

荊芥

連翹

大黃

黃連

黃芩

黃蘗

當歸

赤芍藥

玄參

紫金皮

木鼈子

白芷

杏仁

桃仁

生芋

地園葵

黃花苑

側柏葉

地薄荷

豬姆驛

乳香

沒藥

兒茶

大黃

當歸

杉皮炭

楓香

龍骨

赤石脂

血竭

樟腦

孩兒骨

硃砂

水銀

麝香

右將後十五味為末將前二十一味剉碎以水煎

熬濃汁濾去滓再煎令汁如錫樣入豬油貳斤慢火熬令汁乾入光粉壹斤旋入攪至黑色成膏滴水中成珠可丸不粘手為度次入黃蠟貳兩溶化出火毒數日再微熬溶入乳香後十五味末攪勻油紙攤貼

秘傳杖瘡膏方 專治打傷又治金瘡及無名腫毒

臙瘡若跌傷及別樣瘡忌貼

香油 肆兩真者佳將穿山甲植枝先入油中煎數沸去貳件查乘熱將薄綿濾淨油復入鍋中煎沸以次下

穿山甲 壹片 槐枝 壹莖須足藥冬月用油伍兩

栢枝 壹根已上貳件止取油煎汁不用查取法見前

不用大樹上者入藥油用此煩攪

府丹 即飛丹淨脚取細末壹兩淨水飛去漂脚晒作貳次入油

水花硃 淨水飛去漂脚晒乾取細末貳錢

沒藥 乳香

孩兒茶 已上肆件各參錢槌碎和勻共入銅鍋炭火上炒沸過為細末

新紅象牙 各麵包燒存性取細末油舊者不用

新珍珠 新紅象牙

面粉 炭火上燒黃各壹錢

人指甲 炒黃

三七 晒乾取細末

石乳 銅鍋內炒過取細末

黃連 細末

黃芩 細末各

海螵蛸 伍分 半夏 大者拾枚為細末已上拾伍分作伍分留起壹分看膏藥老嫩加減止用肆分作肆次下法如左

樟冰 肆錢 黃蠟 貳錢 冰片 壹分

失... 肆...

阿魏諸藥俱下盡臨起鍋時左

麝香

下攪極勻取

阿魏成塊者伍分已上肆件待

右藥先將細末藥分五分其四分以次下鍋如左
其一分留着藥厚薄以為增減如四分已下盡藥
尚薄亦將此分漸下如正好留此一分待貼膏藥
時摻在患處尤妙

煎法用上好香油肆兩入銅鍋中炭火煎沸時
入栢枝一莖穿山甲一片在內煎數沸去一藥查
將薄綿紙乘熱濾淨油揩淨鍋復入油於鍋中煎
沸下府丹五錢用槐條急攪不住手至成膏方止

候六七煎後用清水漱淨口噴清水少許於鍋中
即取起鍋

一起鍋時於前四分中細末藥將一分漸漸逐一
挑下急攪如前此分藥盡約均和將槐條蘸藥
滴水且未要成珠復置鍋火上急攪候沸起鍋

二起鍋復將前末藥一分漸下鍋中急攪如前約
均和滴水要成珠復置鍋炭火上急攪候沸起鍋

三起鍋漸下藥攪如前約均和將藥滴水雖成珠
尚要粘手復置鍋火上如前
四起鍋漸下藥如前急攪約均和將藥滴水成珠

失藥易損

珠要將至不粘手了復置鍋炭火上候沸起鍋
五起鍋卽下黃蠟貳錢府丹伍錢急攪如前將藥
滴水成珠要須不粘手又不可太老了如尚粘手
將前留下一分末藥漸下以不粘手爲度如不粘
手了卽下水花硃貳錢次下樟木末肆錢急攪方
下麝參分阿魏伍分冰片壹分急攪不住手量藥
已均和了掠阿魏查去之以藥入磁器內浸冷水
中片時候凝將藥尋露天天陽淨地掘坎將磁器
倒覆於坎中仍以土覆好候七日後方起
一藏法用油紙及箬包好餅口以防洩氣

一攤膏藥時用湯中煎過淨油單紙攤上藥不用
火烘止用熱湯入器中將油紙放器上以藥放上
攤開又不用太厚須於紙上照得見爲妙如以絹
攤用湯頓煇藥攤上

一貼時先將萊菔汁桑葉煎湯露中露過一宿用
以洗患處方用貼之

一既貼後每日洗一遍不要換膏藥至三三日後
血散風去方換收口黑膏藥卽萬應膏也

萬應膏方 專主杖瘡收口神效

香油 貳斤 眞 黃連 黃蘗

陽樓傳撰 卷之二

黃芩 各伍兩

乳香 去碎屑

孩兒茶 各叁錢

象皮灰 用硃炒過去

半夏 壹錢

龍骨 伍分

阿魏 伍分

栢枝 壹斤

府丹 標脚晒乾

沒藥 肆件用搥碎和勻

海螵蛸 各伍分

龍骨 用極細篩篩過和勻漸入

阿魏 伍分

槐枝 各壹束

血竭 上俱吹咀

右將真香油貳斤濾淨入銅鍋中煎沸入黃連黃
檉黃芩槐條煎三四沸將細夏布及薄絹紙濾去
香楷淨銅鍋仍入油於鍋中煎沸入前府丹用槐

條急攪煎至滴水成珠乘熱入磁器中即將前細
末藥八味及阿魏漸入藥中急攪不停候和勻去
阿魏查藥冷為度七日後可用藏攤洗法並如前
凡人一杖後切不可用手拍之急用明淨松香水
龍骨炭火煨過須多年者佳二味俱為細末鷄子
清調敷惡血自出若能預調此藥以待杖過即敷
尤妙 滕松川不用松香而用大黃云亦有效
薛氏分證主治大法

脇肋脹痛若大便通和喘欬吐痰者肝火侮肺也用
小柴胡湯加青皮山梔清之若胸腹脹痛大便不通

失笑湯

百一

喘欬吐血者瘀血停滯也用當歸導滯散通之內經
云肝藏血脾統血蓋肝屬木生火侮土肝火既熾肝
血必傷脾氣必虛宜先清肝養血則瘀血不致凝滯
肌肉不致偏潰次壯脾健胃則瘀肉易潰新肉易生
若行剋伐則虛者益虛滯者益滯禍不旋踵矣有
一患者患處脹痛發熱欲嘔兩脇熱脹肝脉洪大薛
曰肝火之症也但令飲童便并小柴胡湯加黃連山
梔歸梢紅花諸證果退此證若左關脉浮而無力以
手按其腹反不脹者此血虛而肝脹也當以四物參
苓青皮甘草之類治之若左關脉洪而有力胸脇脹

痛者按之亦痛此怒氣傷肝之證也以小柴胡芎歸
青皮芍藥桔梗枳殼主之蓋此證不必論其受責之
輕重問其患處去血之曾否但被人扭按甚重努力
恚怒以傷其氣血瘀血歸肝多致前證甚則胸脇脹
滿氣逆不通或血溢口鼻卒至不救有一患者愈
後口苦腰脇脹痛服補腎行氣等藥不愈薛按其肝
脉浮而無力此屬肝膽氣血虛而然耳用參芪芎歸
地黃白朮麥門五味治之而愈李進士季夏傷手
出血不止發熱作渴兩脇作脹按之即止此血虛也
用八珍加軟柴胡天花粉治之頓愈更用養氣血之

藥調理而痊

小柴胡湯

治一切撲傷等證因肝膽經火盛作痛

出血自汗寒熱往來日晡發熱或潮熱身熱欬嗽

發熱脇下作痛兩肢痞滿

柴胡二錢

黃芩一錢

半夏

人參各錢

炙甘草伍分

右姜水煎服

破血散

治乘馬損傷跌其脊骨惡血洗於脇下

其疼痛楚不可轉側

羌活

防風

肉桂各一

水蛭

研半錢

柴胡

當歸稍

連翹

各錢

麝香

另研

右作壹服水壹鍾酒壹鍾煎至壹鍾去滓入水蛭

麝香末調勻不拘時溫熱服

腰脊痛地龍散

治腰脊痛或打撲損傷從高墜下

留在太陽經中令人腰脊或脛膈臂腰中痛不可

忍

地龍

官桂

蘇木各分

麻黃

黃蘗

當歸稍

甘草

各壹錢半

桃仁

玖箇

右作壹服水貳鍾煎至壹鍾食前服

戴復菴云顛撲傷疼酒調琥珀散極佳再有烏藥順氣散用以治之風腰疼尤宜有顛撲人服藥并熏洗擦貼藥皆不効自若或教以用白芍藥赤芍藥威靈仙乳香沒藥等分為末和勻酒調服隨卽痛減其半
腹痛或大便不通按之痛甚瘀血在內也用加味承氣湯下之既下而痛不止按之仍痛瘀血未盡也用加味四物湯補而行之若腹痛按之不痛血氣傷也用四物湯加參芪白朮補而和之若下而胸脇反痛肝血傷也用四君芎歸補之既下而發熱陰血傷也

用四物參朮補之既下而惡寒陽氣傷也用十全大補湯補之既下而惡寒發熱氣血俱傷也用八珍湯補之既下而欲嘔胃氣傷也用六君當歸補之既下而泄瀉脾腎傷也用六君肉果破故紙補之若下後手足俱冷昏憤出汗陽氣虛寒也急用參附湯吐瀉手足俱冷指甲青者脾腎虛寒之甚也急用大劑參附湯口噤手撒遺尿痰盛唇青體冷者虛極之壞證也急投大劑參附湯多有得生者 有一患者杖後服四物紅花桃仁大黃等劑以逐瘀血腹反痛更服一劑痛益甚按其腹不痛薛曰此血虛也故喜按而

不痛宜溫補之劑遂以歸身白朮參芪炙草二劑痛
 即止 有一患者仲秋夜歸墜馬腹內作痛飲酒數
 杯翌早大便自下瘀血即安此元氣充實挾酒勢而
 行散也 一男子跌傷腹痛作渴食梨子二枚益甚
 大便不通血欲逆上用當歸承氣湯加桃仁瘀血下
 而瘥此因元氣不足瘀血得寒而凝聚也故產婦金
 瘡者不宜食此 一男子孟秋墜梯腹停瘀血用大
 黃等藥其血不下反加胸膈脹痛喘促短氣薛用肉
 桂木香末各貳錢熱酒調服即下黑血及前所服之
 藥而蘇此因寒藥凝滯而不行故用辛溫之劑散之

陳侍御墜馬腿痛作嘔服下藥一劑胸腹脹痛按
 之即止惟倦怠少氣診其脉微細而濇予曰非瘀血
 也乃痛傷氣血復因藥損脾氣而然耳投養脾胃生
 氣血之藥而愈
 加味承氣湯 治瘀血內停胸腹脹痛或大便不通
 等證

大黃

朴硝

枳實

厚朴

當歸

紅花

甘草

伍分

用酒水各壹鍾煎至壹鍾服仍量虛實加減病急

不用甘草

垣定痛乳香神應散

治從高墜下疼痛不可忍腹

中疼痛

乳香

沒藥

雄黑豆

桑白皮

獨科栗子

當歸各壹兩

破故紙貳兩

水蛭半兩

右為末每服伍錢醋壹盞砂石器內煎至六分大麝香少許溫服

小腹引陰莖作痛有一患者瘀血失砭脹痛煩渴縱

飲涼童便渴脹頓止以蘿蔔細搗塗之瘀血漸散已

而患處作癢仍塗之癢止後口乾作渴小腹引陰莖作痛小便如淋時出白津此肝經鬱火也遂以小柴胡湯加大黃黃連山梔飲之諸證悉退再用養血等藥而安夫小腹引陰莖作痛等證往往誤認為寒證投以熱劑則諸竅出血或二便不通以及危殆輕亦損其目矣

肌肉間作痛營衛之氣滯也用復元通氣散筋骨作痛肝腎之氣傷也用六味地黃丸內傷下血作痛脾胃之氣虛也用八珍湯大凡下血不止脾胃之氣脫也吐

瀉不食脾胃之氣敗也苟預為調補脾胃則無此患矣

割口痛若痛至四五日不減或至一二日方痛欲作膿也用托裏散若以指按下復起膿已成也刺去其膿痛自止若頭痛時作時止氣血虛也痛而無眩屬痰也當生肝血補脾氣有一患者患處脹痛悲哀忿怒此厥陽之火為七情激之而然耳遂破去瘀血以小柴胡湯加山梔黃連桔梗而安後用生肝血養脾氣之藥瘡潰而斂戴給事隊馬腿腫痛而色黯食少倦怠此元氣虛弱不能運散瘀血而然耳遂用

補中益氣去升麻柴胡加木瓜茯苓芍藥白朮治之而痊儒者王清之跌腰作痛用定痛等藥不愈氣血日衰面耳黧色薛曰腰為腎之府雖曰閃傷實腎經虛弱所致遂用杜仲補骨脂五味山茱萸蓉山藥空心服又以六君當歸白朮神麴各貳錢食遠服不月而瘥一二歲兒閃腰作痛服流氣等藥半載不愈薛曰此稟腎氣不足不治之證也後果歿

瘀血作痛有一患者腫痛發熱作渴汗出薛曰此陰血受傷也先砭去惡穢以通壅塞後用四物柴胡黃芩山梔丹皮骨碎補以清肝火而愈有一患者傷

處揉散惟腫痛不消薛曰此瘀血在內宜急破之不
從薛以蘿蔔自然汁調山梔末傅之破處以當歸膏
貼之更服活血之劑而瘥數年之後但遇天陰仍作
痒痛始知不破之失有一患者腎腿黑腫而皮不
破但脹痛重墜皆以為內無瘀血惟傅涼藥可以止
痛薛診其尺脉濇而結此因體肥肉厚瘀血蓄深刺
去即愈否則內潰有爛筋傷骨之患薛入針四寸漂
黑血數升腫痛遂止是日發熱惡寒煩渴頭痛此氣
血俱虛而然也以十全大補之劑遂瘥一男子閃
傷右腿壅腫作痛薛謂急破去滯血以補元氣庶無

後患不信乃外傅大黃等藥內服流氣飲後湧出穢
膿數碗許其膿不止乃復請治視其腿細而脉大作
渴發熱難不治後果破一窻友王汝道環跳穴處閉
傷瘀血腫痛發熱作渴遂破去瘀血知其下焦素有
虛火用八珍加黃蘗知母牛膝骨碎補四劑頓止用
十全大補湯少加黃蘗知母麥門五味三十餘劑而
斂

血虛作痛一婦人磕臂出血骨痛熱渴煩悶頭暈日
晡益甚此陰虛內熱之證用八珍加丹皮麥門五味
骨碎補肉桂及地黃丸治之悉愈却去桂加牛膝續

跌撲傷損 外科六
斷二十餘劑而瘡愈

骨傷作痛 一小兒足傷作痛肉色不變傷在骨也頻用炒葱熨之五更用和血定痛丸日間用健脾胃生氣血之劑數日後服地黃丸三月餘而瘥 一小兒臂骨出臼接人腫痛發熱服流氣等藥益甚飲食少思薛以葱熨之其痛即止以六君黃芪柴胡桔梗續斷骨碎補治之飲食進而腫痛消又用補中益氣加麥門五味治之氣血和而熱退愈矣

沒藥丸

治打撲肉損筋骨疼痛

沒藥

乳香

川芎

川椒

去目及合口者

芍藥

當歸各半兩

自然銅

貳錢半火燒醋淬柒次

右為細末用黃蠟貳兩熔開入藥末不住手攪勻丸如彈子大每服壹丸用好酒壹鍾化開煎至伍分乘熱服之隨痛處臥連服一二十丸立效

濕痰作痛 太宗伯沈立齋孟冬閃腰作痛胸間痰氣

不利以枳殼青皮柴胡升麻木香茴香當歸川芎赤芍神麴紅花四劑而瘥但飲食不甘微有潮熱以參芪白朮陳皮白芍各壹錢歸身貳錢川芎捌分軟柴胡地骨炙草各伍分十餘劑而康 劉尚寶體肥臂

閃作痛服透骨丹反致肢節俱痛下體益甚以一陳
南星羌活防風牛膝木瓜蒼朮黃芩黃蘗治之身痛
遂安以前藥再加歸尾赤芍桔梗治之而痊 鄭吏
部素有濕痰孟冬墜馬服辛熱破血之藥偏身作痛
發熱口乾脉大而滑此熱劑激動痰火爲患耳治以
清燥湯去人參當歸黃芪加黃芩山梔半夏黃蘗熱
痛頓去患處少愈更用一陳羌活桔梗蒼朮黃蘗蘆
製生地當歸遂痊

肝火作痛楊司夫骨已入臼患處仍痛服藥不應肝
脉洪大而急薛曰此肝火盛而作痛也用小柴胡湯

加山梔黃連二劑痛止用四物山梔黃蘗知母調理
而康 有一患者瘀血內脹焮痛發熱口乾作渴飲
食不甘四肢倦怠薛曰此肝火熾盛脾土受制故患
前證喜其稟質年壯第用降火清肝活血之劑而愈
青腫不消青腫不消用補中益氣湯以補氣腫黯不
消用加味道遙散以散血若焮腫脹痛瘀血作膿也
以八珍湯加白芷托之若膿潰而反痛氣血虛也以
十全大補湯補之若骨節接而復脫肝腎虛也用地
黃丸腫不消青不退氣血虛也內用八珍湯外用葱
熨法則瘀血自散腫痛自消若行血破血則脾胃愈

虛運氣愈滯若敷貼涼藥則瘀血益凝肉腐益深致
難收拾 一婦人閃臂腕腫大巴三月手臂日細肌
瘦惡寒食少短氣脉息微細屬形病俱虛也遂投補
中益氣加肉桂引諸藥以行至臂再加貝母香附以
解久病之鬱間服和血定痛丸以葱熨之腫消一三
因怒患處仍脹胸膈兩脇微痛以前湯更加木香山
梔半夏桔梗服之少可復因驚不寐少食盜汗以歸
脾湯加五味麥門二十餘劑而安腫消三四手臂漸
肥但經水過期而少此心脾之血尚未充足而然也
乃用八珍加五味麥門丹皮遠志香附貝母桔梗四

十餘劑諸證悉愈後因怒發熱譫語經水如瀉止怒
動肝火以小柴胡湯加生地黃貳錢一劑遂止以四
物加柴胡調理而康 州守陳克明子閃右臂腕腫
痛肉色不變久服流氣等藥加寒熱少食舌乾作渴
薛曰傷損等證腫不消色不變此運氣虛而不能愈
當助脾胃壯氣血為主遂從薛法治之不一月形氣
漸充腫熱漸消半載諸證悉退體臂如常 一小兒
閃腿腕腫形氣怯弱薛欲治以補氣血為主佐以
行散之劑不信乃內服流氣飲外傳寒涼藥加寒熱
體倦薛曰惡寒發熱脉息洪大氣血虛極也治之無

功後內潰瀝盡氣血而亡。李孝功子十四歲脚腕
閃傷腫而色夭，日出清膿少許，肝脉微瀆，此肝經受
傷，氣血虛而不能潰，難治之證也。急止尅伐之劑，不
信乃雜用流氣等藥，後果出爛筋而死。

腐肉不潰，或惡寒而不潰，用補中益氣湯發熱而不
潰，用八珍湯若因尅伐而不潰者，用六君子湯加當
歸，其外皮黑堅硬不潰者，內火蒸炙也。內服八珍湯，
外塗當歸膏，其死肉不能潰，或新肉不能生而致死
者，皆失於不預補脾胃也。有一患者瘀血已去，飲
食少思，死肉不潰，又用托裏之藥，膿稍潰而清，此血

氣虛也，非大補不可。彼不從薛強用大補之劑，飲食
進而死肉潰，但少寐，以歸脾湯加山梔一劑而寐，因
勞心煩躁作渴，脉浮洪大，以當歸補血湯一劑而安。
有一患者受刑太重，外皮傷破，瘀血如注，內肉糜
爛，黯腫上胤胸背，下至足指，昏憤不食，隨以黑羊皮
熱貼患處，灌以童便酒薄粥，更以清肝活血調氣律
脾之劑，神思稍蘇。始言偏身強痛，又用大劑養血補
氣之藥，腫消食進，時仲冬，瘀血凝結不能潰，膿又用
大補之劑，壯其陽氣，其膿方熟，遂砭去，洞見其骨，塗
以當歸膏，及服前藥百餘劑，肌肉漸生。少宗伯劉

五清煎傷一塊微痛少食用六君子湯倍加當歸黃
芪其痛漸止月餘瘀血內澗而不潰公以為痊予曰
此陽氣虛極須用調補不從至來春頭暈痰涎壅塞
服清氣化痰病勢愈盛脈洪大而微細欲以參芪歸
朮附子之類補之不信至秋初因怒昏憤而厥

新肉不生若患處天白脾氣虛也用六君子湯患處
緋赤陰血虛也用四物參朮若惡寒發熱氣血虛也
用十全大補湯膿稀白而不生者脾肺氣虛也用補
中益氣湯膿稀赤而不生者心脾血虛也用東垣聖
愈湯寒熱而不生肝火動也用加味道遙散晡熱而

不生肝血虛也用八珍牡丹皮食少體倦而不生脾
胃氣虛也用六君子湯膿穢而不生者陰虛邪火也
用六味地黃丸四肢困倦精神短少而不生者元氣
內傷也用補中益氣湯如夏月用調中益氣湯作瀉
用清暑益氣湯秋令作瀉用清燥湯有一患者潰
而不斂以內有熱毒欲用寒涼之藥薛曰此血氣俱
虛而不能斂耳非歸朮參芪之類培養脾土則肌肉
何由而生豈可復用寒涼剋伐之藥重損氣血耶遂
用前藥治之而愈

出血若患處或諸竅出者肝火熾盛血熱錯經而妄

行也用加味逍遙散清熱養血若中氣虛弱血無所
附而妄行用加味四君子湯補益中氣或元氣內脫
不能攝血用獨參湯加炮薑以回陽如不應急加附
子或血蘊於內而嘔血用四物加柴胡黃芩凡傷損
勞碌怒氣肚腹脹悶誤服大黃等藥傷陽絡則為吐
血衄血便血尿血傷陰絡則為血積血塊肌肉青黯
此臟腑虧損經隧失職急補脾肺亦有生者但患者
不悟此理不用此法惜哉 張地官墜馬傷腿服草
烏等藥致衄血欬嗽臂痛目黃口渴齒痛小便短少
此因燥劑傷肺與大腸而致薛用生地岑連黃檗知

母山梔山藥甘草以潤肺之燥而生腎水小便頓長
諸證並止以山藥五味麥門參芪芍歸黃檗黃芩知
母炙草以滋陰血養元氣而瘡斂 俞進士折腿骨
已接三月尚發熱出血不止正體醫治不應左關脉
洪數此肝火熾甚血得熱而妄行也遂投小柴胡湯
加山梔芍藥生地防風血止熱退又用八珍五味麥
門治之瘡口即愈 田宗伯姪仲秋因怒跌仆徧身
作痛發熱衄血肝脉弦洪薛曰久衄脉弦洪乃肝火
盛而制金也至春則肝木茂盛而自焚或戕賊脾土
非易治之證當滋腎水以生肝木益脾土以生肺金

乃雜用瀉肝火等藥，歿於仲春之月。大尹劉國信
金瘡出血，發熱煩躁，屬陰虛為患。用聖愈湯治之，虛
火息而血歸經矣。梁閣老姪金瘡腫痛，出血不止，
寒熱口乾，此氣虛血無所附而血不歸經也。用補中
益氣、五味、麥門、主之，陽氣復而愈。

瘀血泛注 有一患者，瘀血流注腰脊，兩足俱黑，隨飲
童便酒，砭出瘀血，糜肉投以小柴胡湯，去半夏，加山
梔、連骨、碎補，以清肝火。用八珍、茯苓，以壯脾胃。瘀
肉潰而新肉生，後瘡復潰，得靜調治年餘而痊。有一
患者，瘀血攻注陰囊，潰而成漏，膿水清稀，所服皆

寒涼之劑，診其肝脈短澀，餘脈浮而無力，此肝木受
肺金剋制，又元氣虛不能收斂，遂用壯脾胃、生氣血
之方，元氣少復，後終歿於金旺之日。

昏憤傷重 昏憤者，急灌以獨參湯。雖內瘀血，切不可
下急，用花蕊石散內化之，恐因瀉而亡陰也。若元氣
虛甚者，尤不可下，亦用以前散化之。凡瘀血在內，太
小便不通用，大黃、朴硝、血凝而不下者，急用木香、肉
桂、末參貳錢，以熱酒調灌服，血下乃生，如怯弱之人，
用硝黃須加肉桂、木香同煎，假其熱以行其寒也。
一婦人孟冬傷足，亡血頭汗，肉熱作渴，短氣煩躁，不

時昏憤其脈洪大按之微弱此陰血虛於下孤陽炎於上故發厥而頭出汗也以四物合小柴胡湯一劑汗即止以四物去川芎加參芪麥門五味炙草少用肉桂四劑諸證悉去又三十餘劑血氣復而愈
男子孟夏折腿出血過多其初眩暈眼花後則昏憤此陰血傷損陽火熾甚制金不能平木木旺生風所致急灌童便更用人參當歸各伍錢荆芥川芎柴胡芍藥白朮各貳錢山梔黃芩桔梗各壹錢甘草伍分服之隨爽又用四物參芪各叁錢生地柴胡各壹錢四劑煩躁悉去

眩暈有一患者腹脹嘔吐眩暈用柴胡黃芩山梔紫蘇杏仁枳殼桔梗川芎當歸赤芍紅花桃仁四劑而定後又出血過多昏憤目黑用十全大補等藥而蘇時肌肉潰爛膿水淋漓筋攣骨痛薛切其脈浮而瀋沉而弱此因氣血耗損不能養筋筋虛不能束骨遂用養氣血之藥治之而愈
有一患者杖瘡愈後失於調理頭目不清服祛風化痰等藥反眩暈服牛黃清心丸又肚腹疼痛杖痕腫痒發熱作渴飲食不思痰氣上升以為杖瘡餘毒復作診左尺脈洪大按之如無薛曰此腎經不足不能攝氣歸原遂用人參黃

芪茯苓陳皮當歸川芎熟地山藥山茱萸五味麥門
炙草服之而尋愈後因勞熱渴頭痛倦怠少食用補
中益氣湯加麥門五味而痊

煩躁有一患者兩脇脹悶欲欬不欬口覺血腥徧身
臂腿脹痛倦怠不食煩渴脉大此血脫煩躁也與童
便酒及砒患處出灸血糜肉甚多忽發熱煩躁汗出
沒以獨參湯三劑少止又用補氣血清肝火之藥數
劑飲食稍進後用獨參湯間服諸證悉退飲食頓加
但不能多寐以歸脾湯加山梔竹茹四劑而熟睡因
勞心遂煩渴自汗脉大無力以當歸補血湯二劑而

安又以十全大補去川芎加麥門五味牡丹地骨脉
黃根炒浮麥數劑而汗止灸肉且潰又二十餘劑而
新肉生 有一患者煩躁面赤口乾作渴脉洪大按
之如無薛曰此血虛發躁也遂以當歸補血湯二劑
即止後日晡發熱更以四物加柴胡牡丹地骨黃蘗
知母治之熱退而瘡斂東垣云發熱惡寒大渴不止
其脉大而無力者非白虎湯證此血虛發躁也宜用
當歸補血湯治之裴先生云肌熱躁熱目赤面紅其
脉洪大而虛此血虛也若誤服白虎湯輕則危重則
斃 有一患者頭額出汗熱渴氣短煩躁骨痛瘰肉

不潰遂割去之出鮮血服芩連之藥益甚其脉洪大
而微此氣血俱虛邪火熾盛所致以四物加參芪朮
炙草少用柴胡炒芩二劑頭汗頓止又加麥門五味
肉桂二劑諸證悉退後用參芪歸朮炒芍熟地麥門
五味十餘劑瘀血潰而膿水稠矣但新肉不生以前
藥倍用白朮而斂 吳給事墜馬傷首出血過多發
熱煩躁肉瞶筋惕或欲投破傷風藥予曰此血虛火
動所致當峻補其血為善遂用聖愈湯二劑即安又
養氣血而瘡瘡 張進士季秋墜馬亡血過多出汗
煩躁翌日其汗自止熱躁益甚口噤手顫此陰血虛

陽火乘之而汗出為寒氣收斂腠理故汗不得出火
不得泄佛鬱內甚而益增他證也予用四物加柴胡
黃芩山梔四劑少止又用四物參芪軟柴胡五味麥
門治之而痊

發熱若出血過多或潰膿之後脉洪大而虛重按全
無此陰虛發熱也用當歸補血湯脉沉微按之軟弱
此陰盛發躁也用四君薑附若發熱煩躁肉瞶筋惕
亡血也用聖愈湯如汗不止血脫也用獨參湯其血
脫脉實汗後脉躁者難治細小者易治外臺秘要云
陰盛發躁欲坐井中用附子四逆湯加葱白王太僕

先生云凡熱來復去晝見夜伏夜見晝伏不時而動者名曰無火此無根之虛火也 楊進士傷手指燬痛發熱服寒涼之藥致飲食頓減患處不潰薛用托裡養血之藥食進瘡潰後因勞每日晡發熱此陰虛而內熱也以四物軟柴胡地骨皮乃退更用養血氣之藥而瘡斂 一男子墜馬腹有瘀血服藥下之致發熱盜汗自汗脉浮濇薛以為重劑過傷氣血所致投以十全大補湯益甚時或譫語此藥力未及而然也以前藥加炮附子伍分服之即睡覺來頓安再劑而痊 舉人余時正金瘡焮痛出血不止惡寒發熱

用敗毒等藥愈甚此亡血過多氣無所附而然耳遂以四物黃蘗知母軟柴胡玄參五味麥門治之即愈 一女子年十七閃右臂微腫作痛寅申時發熱薛決其膽經血虛火盛經水果先期而至先以四物合小柴胡湯四劑熱退更以加味四物湯加香附地骨皮山梔各伍分苓連炙草各叁分二十餘劑其腫亦消乃去黃連山梔又五十餘劑經水調而元氣充矣 陽氣脫陷 梁閣老姪跌傷腿外敷大黃等藥內服破血之劑遂致內潰薛針出穢膿參碗許虛證悉具用大補之劑兩月餘少能步履因勞心手撒眼閉汗出

如水或欲用祛風之劑薛曰此氣血尚未充足而然也急以艾炒熟熨臍臍并氣海穴處以人參肆兩炮附子伍錢煎灌良久臂少動又灌一劑眼開能言但氣不能接續乃以參芪歸朮四味共壹斤附子伍錢水煎徐徐服之元氣漸復飲食已進乃去附子服之而瘡愈

胃腹痛悶 跳躍掇胃悶挫舉重勞役恚怒而胃腹痛悶喜手摸者肝火傷脾也用四君柴胡山梔畏手摸者肝經血滯也用四物柴胡山梔桃仁紅花若胸脇作痛發熱哺熱肝經血傷也用加味逍遙散若胸脇

作痛飲食少思肝脾氣傷也用四君芎歸柴梔丹皮若胸腹脹滿飲食少思肝脾氣滯也用六君加柴胡芎歸若胸腹不利食少無寐脾氣鬱結也用加味歸脾湯若痰氣不利脾肺氣滯也用二陳白朮芎歸梔子青皮若咬牙發搐肝旺脾虛也用小柴胡湯川芎山梔天麻釣藤鈎或用風藥則肝血益傷肝火益甚或飲糖酒則腎水益虛肝火愈熾若用太黃等藥內傷陰絡反致下血少壯者必為痼疾老弱者多致不起

作嘔若因痛甚或因尅伐而傷胃者用四君當歸半

夏生薑或因忿怒而肝傷者用小柴胡湯加山梔茯苓若因痰火盛用二陳薑炒黃連山梔若因胃氣虛用補中益氣湯生薑半夏若出血過多或因潰後用六君子湯加當歸 有一患者痛甚發熱嘔吐少食胸膈痞滿用行氣破血之劑益甚口乾作渴大便不調患處色黯薛曰此痛傷胃氣所致遂以四君當歸炒芍軟柴藿香二劑諸證漸愈又用大補之劑潰之而瘳 有一患者發熱熾痛服寒涼藥更加口乾作渴肚腹亦痛自以為瘀血欲下之薛按其肚腹不痛脈微細而遲飲食惡寒此涼藥傷胃而然也急用六

君加芍藥當歸炮附子各壹錢服之前證益甚反加譫語面赤薛意其藥力未至耳前藥再加附子伍分服之即睡覺來諸病頓退而安 一膏粱之人跌腿青腫作痛服辛熱之藥反發熱作喘患處益痛口乾唇揭薛曰膏粱之人內多積熱更服辛熱之劑益其胃火而使然也類飲童便以清胃散加山梔黃芩甘草治之頓止患處以葱熨之腫即消散 一婦人傷指手背俱腫微嘔少食彼以為毒氣內攻診其脈沉細此痛傷胃氣所致也遂刺出膿碗許先以六君藿香當歸而食進繼以八珍黃芪白芷桔梗月餘而瘡

跌撲傷損 外和六

愈

嘔吐黑血加味芎藭湯 治打撲傷損敗血流入胃

腕嘔吐黑血如豆汁

芎藭

當歸

白芍藥

百合

水浸壹日

荆芥

各貳錢

右作壹服水壹鍾半酒半鍾煎至捌分不拘時服
百合散 治打撲傷損敗血流入胃腕嘔黑血汁者

川芎

赤芍藥

當歸

百合

生地黄

側柏葉

荆芥

犀角

牡丹皮

黃芩

黃連

梔子

鬱金

大黃

右水煎加童便和服 大便利者去大黃

喘若出血過多面黑胸脹或胸膈痛而發喘者乃氣虛血乘於肺也急用二味參蘇飲若欬血衄血者乃氣逆血蘊於肺也急用十味參蘇飲加山梔芩連蘇木 舉人杜克弘墜馬服下血藥反作喘日晡益甚此血虛所致耳非瘀血為患遂以四物加參芪五味麥門治之其喘頓止又用補中益氣加五味麥門而愈此證果係瘀血蒸熏於肺而喘只宜活血行血

失僕傷損

小科六

百五

亦不可下。若面黑胸脹或膈痛作喘當用人參壹兩蘇木貳兩作一劑水煎急服緩則不治。產婦多有此疾。

二味參蘇飲 治出血過多瘀血入肺面黑喘促

人參 壹兩

蘇木 貳兩

右水煎服

十味參蘇飲 治氣逆血蘊上焦發熱氣促或欬血

飏血或痰嗽不止加黃芩山梔即加味參蘇飲

人參

紫蘇

半夏

茯苓

陳皮

桔梗

前胡

葛根

枳殼 各壹錢

炙甘草 伍分

右薑水煎服

作渴若因出血過多用四物參朮如不應用人參黃芪以補氣當歸熟地以養血若因潰後用八珍湯若胃熱傷津液用竹葉黃芪湯胃虛津液不足用補中益氣湯胃火熾盛竹葉石膏湯若煩熱作渴小便淋瀝乃腎經虛熱非地黃丸不能救。有一患者瘀血雖去飲食形氣如故但熱渴熾痛膈痞有痰以小柴胡湯加天花粉貝母桔梗山梔二劑少愈又加生地

歸尾黃芩柴胡山梔花粉而愈薛治百餘人其杖後血氣不虛者惟此一人耳

大便秘結若大腸血虛火熾者用四物湯送潤腸丸或以豬膽汁導之若腎虛火燥者用六味地黃丸腸胃氣虛用補中益氣湯

手足傷損若元氣虛弱或不戒房勞或妄行攻伐致致肉上延或腐而不痛黑而不脫者當大補元氣庶可保生若手足節髀斷去者無妨骨斷筋連不急剪去若侵及好肉則不治若預為調補脾氣則無此患大凡膿瘀內焮者即針之而投托裏散或口噤遺尿

而似破傷風者急用十全大補湯加附子多有生者**手足疼痛**有一患者愈後腿作痛薛意膿血過多瘡雖愈肝經血氣尚未充實而濕熱乘虛也遂以八珍加牛膝木瓜蒼木黃蘗防已炙草以祛濕熱養陰血痛漸止乃去防已黃蘗服之遂瘳

應痛丸治折傷後為四氣所侵手足疼痛者

破故紙

骨碎補

蒼朮

草烏

穿山甲

舶上茴香

陸南

右除草烏半斤用生薑壹斤搗爛同草烏一處淹

兩宿焙乾為末酒者麪糊為丸如梧桐子大每服
五十九丸用酒或米湯送下忌熱物片時

乳香散 治打傷損手足疼痛不可忍者

乳香

沒藥各另研

白芷貳錢

肉桂伍錢

白朮

當歸各炒

粉草各伍錢

右為細末研勻每服貳錢不拘時酒調下

破傷風

河間云風證善行數變入臟甚速歟生在反
掌之間宜急分表裏虛實而治之邪在表者則筋脉
拘急時或寒熱筋惕搐搦脉浮弦用羌活防風湯散

之在半表半裏者則頭微汗身無汗用羌活湯和之
傳入裏者舌強口噤項背反張筋惕搐搦痰涎壅盛
胸腹滿悶便溺閉赤時或汗出脉洪數而弦以大芎
黃湯導之既下而汗仍出表虛也以白朮防風湯補
之不時灌以粥飲為善前云乃氣虛未損之法也若
膿血太泄陽隨陰散氣血俱虛而類前證者悉宜大
補脾胃切忌祛風之藥 詳見雜病第五 有一患
者仲夏誤傷手腰背反張牙關緊急脉浮而散此表
證也遂用羌活防風湯一劑即解此證若在秋冬腠
理緻密之時須用麻黃之類以發汗此乃暴傷氣血

不損之治法也 有一患者杖處畧破而患此脉洪大而實此裏證也用大芎黃湯一劑大便微行一次悉退若投表藥必死宜急分表裏虛實而治之庶無誤矣 有一患者寒熱口乾用四物參芪白朮軟柴炒芩麥門五味四劑少退薛欲砭去瘀血不從後極忡不寐飲食少思牙關牽緊頭自疼痛惡寒發熱此膿內焮也遂砭去之即安以八珍棗仁麥門五味二十劑前證漸愈又用前藥及獨參湯瘀肉漸潰後因勞又少寐盜汗以歸脾湯麥門五味遠志而痊後牙關脹悶面目焮赤又似破傷風仍以爲虛用八珍等

藥亦安 有一患者腹痛喘促作渴寒熱臀腿酸爛與歎血相和如皮囊盛糊用童便煎四物桃仁紅花柴胡黃芩麥門花粉服之頓退彼用黑羊皮貼之益甚後砭去膿血甚多氣息奄奄唇口微動牙關緊急患處色黯或欲用破傷風藥薛曰此氣血虛而變證也用參芪芎歸白朮并獨參湯人乳汁元氣復而諸證愈乃用十全大補湯調理而安此證若膿瘀內焮者宜針之若潰後口噤遺尿而類破傷風等證者乃氣血虛極也急用大補之劑若素多痰患風證者宜清痰降火若因怒而見風證者宜清肝降火若人不

積勞而忽患前證此由腎水不足心火熾甚宜滋陰補氣血為主若誤作風證治之即死

羌活防風湯 治破傷風邪初在表者急服此藥以解之稍遲則邪入於裏與藥不相合矣

羌活

防風

甘草

川芎

藁本

當歸

芍藥各半兩

地榆

細辛各兩

右每服伍錢水煎

防風湯 治破傷風表證未傳入裏急宜服之

防風

羌活

獨活

川芎各等分

右每服伍錢水煎調蜈蚣散服大効

蜈蚣散

蜈蚣壹對

鯨叁錢

右為細末用防風湯調下

羌活湯 治破傷風在半表半裏急服此湯稍緩邪

入於裏不宜用

羌活

菊花

麻黃

川芎

石膏

防風

前胡

黃芩

細辛

與接傷損 夕和六

甘草

枳殼

白茯苓

蔓荆子各壹兩

薄荷

白芷各伍錢

右每服伍錢水煎

地榆防風散 治風在半表裏頭微汗身無汗不可

發汗無治表裏

地榆

防風

地丁草

馬齒莧各等分

右為細末每服叁錢米湯調服

大芎黃湯 治風在裏宜踈道急服此湯

川芎

羌活

黃芩

大黃各壹兩

右伍柒錢水煎溫服臟腑通和為度

白朮防風湯

治服表藥過多自汗者

白朮

黃芪各壹兩

防風貳兩

右每服伍柒錢水煎服臟腑和而自汗者可服若

臟腑秘小便赤者宜用大芎黃湯下之

白朮湯 治破傷風汗不止筋攣搐搦

白朮

葛根

升麻

黃芩

芍藥各貳兩

甘草貳錢伍分

右每服伍錢水煎無時服

譙甫硃砂丸

治破傷風目瞪口噤不語手足搐搦

項筋強直不能轉側目不識人

硃砂

研

半夏

洗

川烏

各壹兩

雄黃

伍錢

鳳凰臺

叁錢

麝香

壹字

右為末棗肉丸桐子大每服壹丸或貳丸冷水下以吐為度如不吐加壹丸或吐不往前葱白湯止

之汗出為効

左龍丸 治直視在裏者

左盤龍

野錫

白殭蠶

鯽

各炒伍錢

雄黃

壹錢

右為末燒飯丸桐子大每服拾伍丸溫酒下

證不已當用前藥末一半加巴豆霜半錢燒飯丸

桐子大每服加入壹丸如此漸加以利為度利後

服和解藥

江鰮丸

治破傷風傳入裏證驚而發搐臟腑秘澀

江鰮

剉炒

野鴿糞

炒

白殭蠶

各半兩

雄黃

壹錢

蜈蚣

壹對

天麻

壹兩

右為末作叁分貳分燒飯丸桐子大硃砂為衣壹

分入巴豆霜壹錢亦用燒飯丸每服硃砂者貳拾丸入巴豆者壹丸漸加至利為度後止服前丸

養血當歸地黄散

當歸

地黄

芍藥

川芎

藁本

防風

白芷

各壹兩

細辛

伍錢

右依前煎服

廣利方

治破傷風發熱

括婁子

玖錢

滑石

叁錢半

南星

蒼朮

赤芍藥

陳皮

炒礞

黃連

黃芩

白芷

甘草

各伍分

右薑水煎服

右二方用竹瀝括婁實輩治破傷風熱痰脉洪者前方用南星半夏草烏川烏輩則治破傷風寒痰脉無力者

白丸子

治一切風痰壅盛手足頑麻或牙關緊急

口眼歪斜半身不遂等證

半夏

柒兩

南星

貳兩

川烏

去皮臍伍錢各生用

右為末用生薑汁調糊丸桐子大每服壹貳拾丸

薑湯下

本事玉真散

治破傷風及打撲傷損項強口噤欲

失其真員

小

三

灰南星有防風製其毒不麻人

天南星湯泡 防風等分

右為末先以熱童子小便洗淨瘡口拭乾摻之良久渾身作痒瘡口出赤水是効又以温酒調下壹錢如牙關緊急腰背反張用藥貳錢童子小便調服至死心頭微温者急灌之亦可救累効累効治打撲傷損腫痛傷風者

天南星 半夏 地龍各等分

右為末用生薑薄荷汁調搽患處

急風散 治新舊諸瘡破傷中風項強背直腰反折

口噤不語手足抽掣眼目上視喉中鋸聲並皆治

之

麝香另研 硃砂壹兩 生黑豆貳錢

草烏各兩半燒存性

右為細末研勻破傷風以酒調壹錢不拘時服如出箭頭先用酒調壹錢就將此藥貼上箭瘡上

如聖散 治破傷風止血定痛

蒼朮陸兩 川烏炮去 兩頭尖炮各肆兩

草烏炮去 防風 細辛各貳兩半

白朮 川芎 白芷各壹兩半

踰按後抄

蝎稍微炒 雄黃各半

右為細末每服壹錢不拘時酒調下如損骨折乳

香伍錢

一字散 治破傷風

金頭蜈蚣壹條去頭足炙 草烏

天麻各半 全蝎壹錢 香白芷叁錢

右為細末每服半錢如發熱茶清調下發寒温酒調下不拘時服

發瘧仲景云諸瘧項強皆屬於温又云太陽病發汗太多致瘧風病下之則瘧復發汗則拘急瘡家發汗

則瘧是汗下重亡津液所致有汗而不惡寒曰瘧瘧以風能散氣也宜白朮湯加桂心黃芪無汗而惡寒曰剛瘧以寒能澀血也宜葛根湯皆氣血內傷筋無所營而變非風也杖瘡及勞傷氣血而變者當補氣血未應用獨參湯手足冷加桂附緩則不救 詳見雜病第五 有一患者內潰針出膿三五碗遂用大補之劑翌日熱甚汗出足冷口噤腰背反張眾欲投發散之劑薛曰此氣血虛極而變瘧也若認作風治則悞矣用十全大補等藥而愈此證多因傷寒汗下過度與產婦潰瘍氣血虧損所致但當調補氣血為

失藥易員

小序

百五

善若服剋伐之劑多致不救。有一患者兩月餘矣，瘡口未完，因怒發瘰癧，口出血，此怒動肝火而為患耳。用柴胡、芩連、山梔、防風、桔梗、天麻、釣藤、鈞甘草治之，頓愈。劉宗厚先生云：瘰癧有屬風火之熱，內作者有因七情怒氣而作者，亦有濕熱內盛，痰涎壅遏，經絡而作者，惟宜補虛降火，敦土平木，清痰去濕。

行氣之非 有一患者服行氣之劑，胸痞氣促，食少體倦，色黯膿清，此形氣俱虛之證也。先用六君、桔梗、二劑，胸膈氣和，後用補中益氣去升麻，加茯苓、半夏、五味、麥門，治之元氣漸復而愈。若用前劑，戕賊元氣多。

至不救

血之非 有一患者去其患處瘀血，用四物、柴胡、紅花治之，焮痛頓止，但寒熱、口乾、飲食少，思用四物、白朮、茯苓、柴胡、黃芩、花粉、四劑，寒熱即退，用六君、芎歸、藿香，而飲食進，腐肉雖潰，膿水清稀。以前藥倍用，參芪歸朮、茯苓、二十餘劑，腐肉俱潰，膿水漸稠，俟服下藥壹鍾，連瀉四次，患處色黯喜，其脈不洪，數乃以十全大補，倍加肉桂、麥門、五味，數劑肉色紅活，新肉漸生，喜在壯年，易於調理。又月餘而愈，否則不救。凡杖瘡跌撲之證，患處如有瘀血，止宜破去，服壯元氣之

跌打傷損 卷六
劑蓋其氣血已損切不可再用行氣下血之藥復損脾胃則運氣愈難營達於下而反為敗證怯弱者多致夭枉

寒藥之非有一患者腫痛敷寒涼之藥欲內消瘀血反致臀腿俱冷瘀血併胸腹痞悶薛急去所敷之藥以熟童便酒洗患處服六君子湯加川芎藿香肉桂四劑瘀血漸溫又以前藥去木香加川芎藿香肉桂四劑瘀血解乃刺之更以壯脾胃養氣血得痊蓋氣血得溫則行得寒則凝寒極生熱變化為膿腐潰深火血氣既敗肌肉無由而生欲望其生難矣 雲間曹子容

為室人中風灌藥誤咬去指半節焮痛寒熱外敷大黃等藥內服清熱敗毒患處不痛不潰膿清寒熱愈甚薛曰此因涼藥遏絕隧道而然也遂敷玉龍膏以散寒氣更服六君子湯以壯脾胃數日後患處微痛腫處漸消此陽氣運達患處也果出稠膿不數日半指潰脫更服托裏藥而斂 上舍王天爵傷足焮腫內熱作渴外敷內服皆寒涼敗毒患處益腫而不潰且惡寒少食欲作嘔吐薛曰此氣血俱虛又因寒藥凝結隧道損傷胃氣以致前證耳遂用香砂六君子芎歸炮薑外證悉是惟體倦嗜熱飲食不甘以補中

益氣湯加地骨皮五味麥門治之而愈。州守王廷
 用傷指卽用帛裹之瘀血內潰焮腫至手薛謂宜解
 患處以出瘀血更用推陳致新之劑不信乃敷涼藥
 痛雖少止次日復作又敷之數日後手心背俱潰出
 瘀穢膿水尚服敗毒之劑氣血益虛色黯膿清飲食
 少思仍請予治投以壯脾胃生氣血之劑由是膿水
 漸稠而愈。

不疔之非有一患者發熱煩躁用四物黃芩紅花
 柴山梔花粉煩熱已清瘀血深蓄欲針出之不從忽
 牙關緊急患處作痛始針去膿血卽安用托裏養血
 新肉漸長忽患處瘙痒此風熱也用祛風消毒之劑
 而痊。

不補之非有一患者腎腿脹痛發熱煩躁刺去瘀血
 脹痛少寬熱躁愈甚此血脫邪火旺而然也急用獨
 參湯補之少愈又以健脾胃養氣血藥治之腐肉漸
 潰遂愈大抵此證宜預調補以顧收斂切不可伐其
 氣血不行補益以至不能收斂矣。

跌打傷損
外科

治初反

湯火瘡 灸瘡

凡湯火傷急向火灸雖極痛強忍一時即不痛慎勿
 以冷物塌之及井底泥傅之使熱氣不出爛入肌肉
 丹火燒以好酒洗之又以鹽傅其上如皮塌者以酒
 熬牛皮膠傅之如湯傷以淋過第二次灰查傅立
 安熱酒傷糯米粉炒黑末酒調傅之治湯火灼
 未成瘡者用艾白根燒灰雞子黃和傅之如成瘡用
 白蜜封之以竹中膜貼上日三
 世治湯火瘡麩皮炒黑灰為末傅上神妙此方有補
 性始終皆可用治湯火瘡取舊銀爐中燒過焦

湯火瘡 外科

此方治湯火傷... 凡湯火傷急向火灸... 雖極痛強忍一時即不痛... 慎勿以冷物塌之... 及井底泥傅之... 使熱氣不出... 爛入肌肉... 丹火燒以好酒洗之... 又以鹽傅其上... 如皮塌者以酒熬牛皮膠傅之... 如湯傷以淋過第二次灰查傅立安... 熱酒傷糯米粉炒黑末酒調傅之... 治湯火灼未成瘡者用艾白根燒灰雞子黃和傅之... 如成瘡用白蜜封之以竹中膜貼上日三... 世治湯火瘡麩皮炒黑灰為末傅上神妙此方有補性始終皆可用治湯火瘡取舊銀爐中燒過焦

治火瘡
夕禾六
百五七

黃土研細如粉以生薑調於帛上貼之痛止一方用
溶銀鍋子細末油調傳佳

千治火瘡未起梔子仁燒灰麻油和封之厚乃佳已
成瘡燒白糖灰粉傳之燥即瘡用白糖方

治湯火燒方

右用蕎麥麩炒黃色蜜水調傳如神

保生救苦散治火燒熱油所損或至肌肉亦脫一切

犬齧損傷并刀斧所傷用生寒水石不計多少為極

細末調塗之或乾上然不如油調其痛立止並不作

膿無分毫釐苦楚日近完復永無破傷風證

中正

水霜散 治火燒皮爛大痛

寒水石 生

牡蠣 燒

朴硝

青黛

輕粉 各等分

右為細末新水或小油調塗立止

治湯火所傷赤爛熱痛

赤石脂

寒水石

大黃 各等分

右為末以新汲水調塗傷處

治火燒

桐油

水銀 各等分

右二件以柳條不住手攪成膏再入大黃末石膏

湯火瘡
小科六
百五七

末和以牛皮膠入少水溶開外用貓兒肚底毛細剪摻上貼之

綠白散治湯熨火燒疼痛用苦參不拘多少為細末每用以小油調搽

凡被傷熱油痛不可忍取廁下黑淤泥量傷大小斟酌多少次以老薑汁麻油十分之二共研令勻搽傷處立愈以青黛傳之亦妙
治湯火傷

大黃

黃芩

黃連

山梔子

黃蘗

知母

貝母

蜜陀僧

乳香

沒藥

輕粉

甘草

右為細末用鷄子清加蜜調不住手時時掃之
清涼膏 治湯發火燒此藥止痛解毒潤肌生肉

梔子仁

黃連

白芷

生地黄

葱白

黃蠟

清麻油

肆兩

右細剉於油鐺中煎地黃焦黑色綿濾去滓澄清却於鐺內入蠟慢火熬候蠟消傾於磁盒內用時以鷄羽搵少許塗瘡上以瘥為度

湯火瘡

麻子膏 治火燒人肉爛壞

麻子

壹合取

栢白皮

柳白皮

山梔子

碎

白芷

甘草

各貳兩

右剉細以猪脂壹斤煎三上三下去滓以塗瘡上

日三

黃礬散

治湯火傷

黃礬

大黃

朴硝

鷄子殼

寒水石

各等分

右為細末用水調塗極効

栢葉散

治湯火傷

栢葉

梔子仁

各壹兩

胡粉

研半兩

右為細末以羊髓五太合熔化和藥以木椎研三五百徧一日三次塗之瘡

蛤粉散

治湯火傷

右以蛤蜊殼不拘多少炙焦黃色搗為細末用生油調如膏傅之如水仍無痕一方以蜜水調傅之疼立止不膿不痕吳內翰居鄉中隣家釜翻一小兒自頭至踵皆傷急以傅之啼立止遂無恙唯纔傷隨手用即効少緩即不及當須先合以備用耳

治湯火燒瘡

湯火瘡

小兒科

高

右以側栢葉入臼中濕搗令極爛如泥冷水調作膏傳傷處以帛子繫定三二十日瘡當斂仍滅癥一方燒灰存性為末以鷄子清調傳如乾再上或蜜調亦可或搗末以脂調塗瘡上乾即易一方以山栢子葉爛搗塗傳

治人向火生火斑成瘡有汁及治火氣入瘡

右用黃檗薄荷為末乾摻之即愈一方用黃檗皮為末摻之立愈薄荷煎塗亦可

補

治火瘡敗壞用雲母粉同生羊髓和塗之
經治湯火瘡至妙用劉寄奴為末先以糯米漿雞翎

掃傷處後搽藥末在上並不痛亦無痕大凡湯傷先用鹽末摻之護肉不壞然後傳藥 又方以榆白皮末猪脂油塗瘡愈

世治火湯瘡先以酒洗次以楊梅樹皮為末香油調傳 治湯火瘡用髮一束香油煎以髮盡為度放冷搽患處驗

精治中熱油及火燒除外痛以丹參捌兩細剉以水微調取羊脂貳斤煎三上三下以傳瘡上愈 止痛膏 治灸瘡及湯火傷日夜啼呼此藥止痛滅

癥

松脂

羊脂

豬膏

黃蠟各壹分

右取松脂破銚中切脂嚼蠟着松明上少填銚內燒諸物皆消以杯盛汁傳之松明是肥松節也

神效當歸膏

治湯火瘡初起癰漿熱毒侵展赤

痛毒氣壅盛腐化成膿此藥斂口生肌拔熱毒止疼痛

當歸

黃蠟各壹兩

麻油肆兩

右將當歸入油煎令焦黑去滓次入黃蠟急攪化放冷以磁盒盛用時以故帛子攤貼一方用白蠟

紫雪

治湯盪火燒疼不可忍或潰爛成惡瘡

右用松樹皮燒灰貳錢瀝青壹分研為細末清油調傳濕則乾摻忌冷水洗日三一方不用瀝青以松樹皮陰乾為細末入輕粉少許生油調傳如傳不往絹帛縛定即生痂

治湯火傷

右用霜後芙蓉葉桑葉等分陰乾研為細末用蜜調塗傳之濕則乾摻

鷄黃油

治湯火傷

右用鷄子煮熟去白用黃於銀石鍋內炒乾再炒

湯火瘡
直待都化作油去火毒毛翎掃下入韶粉夜明沙
為末香油調傅濕則乾摻之

灸瘡

止痛生肌散

治灸瘡

牡蠣半兩 煨研

寒水石煨研

滑石研各壹分

右為細末凡用之時切護爪甲勿令中風仍須洗瘡令淨然後摻藥薄薄令徧以軟綿帛繫之候肌生漸用栢皮膏

栢皮膏

治灸瘡久不瘥

栢樹白皮

伏龍肝各肆兩

猪脂半斤煉為油

右同熬成膏濾去滓入磁器中每用時薄薄塗之

上以油紙隔軟帛裹

綠雲散

治灸瘡止痛

栢葉

芙蓉葉

並端午日午時採不拘多少陰乾

右為細末每遇灸瘡黑蓋子脫了即用冰調少許如膏藥攤楮紙上貼之養膿更無痛楚

四時貼護方

治灸瘡未着痂及出膿久不合者

春以柳絮
夏以竹膜
秋以新綿

冬以免毛

右各隨時貼瘡上

內托黃芪丸

治鍼灸傷經絡流膿不止

湯火瘡 外科六

黃芪 捌兩 當歸 洗叁兩 肉桂 去皮

木香 乳香 另研 沉香 各壹兩

菘豆粉 肆兩

右為細末生薑汁煮糊為丸如梧桐子大每服伍拾丸不拘時白湯送下

諸蟲獸螫傷

通治聖惠治蛇咬蠍螫蟻咬妙

雄黃 叁錢 信 壹錢 皂角子 各壹

巴豆 各肆拾粒 耳塞 麝香 許各火

右五月五日不聞鷄犬婦人處不語搗為細末在杏子核內封之鍼挑出上痛處大有神効

世治一切蛇蟲傷貝母末酒調服効 詳見 又方用

酥和鹽傅之 又方用益母草搗爛厚盒傷處 又

方用鵝糞傅之 又方用鵝葉搗爛傅 又方用獨

蒜酸漿草搗傅傷處 又方用酒暖洗瘡上日三次

初段 用藥 敷貼

者只快醫書 外科六 百五

又方紫蘇葉油浸塗傷處

山諸般惡蟲咬以油浸紫草塗之

丹治蛇咬蠶咬惡蟲咬猪膏搗汁傳陳藏器治狗咬

治山溪中沙虱射工等毒用葱小蒜茱萸煮汁浸或

搗傳大効

治二十七穀蟲咬傷人及瘡腫者用麝香雄黃乳香

硃砂各貳錢土蜂窩露蜂窩燒灰存性研細以醋調

少許塗咬處或不能辨認疑是惡瘡三五日不療即

毒入心難瘥忌雞魚油膩物

治蛇傷犬咬一切蟲毒用試劍草搗爛貼之

治蛇犬及狂狗咬用蚯蚓糞和鹽研傳神効

海治蠍蜘蛛蛇毒雞卵輕敲一小孔合咬處即瘥

又方先問被傷人是甚蟲傷即默念火德星君黑殺

攝吹在傷處自然不痛 又方用艾炷於傷處灸三

五壯拔去毒即愈

治毒蛇并射工沙虱等傷眼黑口噤手脚強直毒攻

腹內成塊逡巡不救用蒼耳嫩葉一握研取汁溫酒

和灌之將滓厚罨所傷處

簡治毒蛇射工沙虱等物傷着人眼黑口噤手足強

直毒氣入腹用白礬甘草等分為細末每服貳錢冷

毒入腹者服藥

水調下

治諸蛇蟲傷毒用青黛雄黃等分新汲水調服貳錢
又方用蒼耳嫩葉一握搗汁温酒和飲滓厚傳傷
處口噤身强者灌之

治蛇犬咬卽破傷風用荔枝草一握約叁兩以好酒
貳碗煎至壹碗服卽睡出汗汗不止以温白粥補之
治惡蛇風犬傷用雄黃葷撥細辛等分入麝少許爲
末每服貳錢好酒調下

初傷 解毒 法

毒蛇咬治毒蛇傷急以小便洗出血次取口中唾塗
之又以牙涎封傷處傳而護之甚妙且不痛腫

山居云用

犬糞傳患處亦佳

又方用好醋一二碗服令毒氣不隨血
之或飲清油一二盞亦可及以頭繩扎定傷處兩頭
次用白芷末半兩白水調服頃刻咬處黃水出盡腫
消 又方用白礬雄黃黃蠟等分丸如指頭大遇有
着傷燈上燒開滴傷處或以竹筒按上滴入則毒不
散

世路行卒被蛇咬當急扯裹脚帶扎縛傷處上下寸
許使毒氣不能恹傷肌體又急用白礬安刀頭火上
溶汁沸滴於傷處待冷以長篦子速挑去靨則毒血
隨出黯腫尚未退更滴之以退爲度 村居山僻及

途中夜行卒被蛇傷咬難求白礬處速作艾炷灸五壯以唾調鹽塗之如黯腫尚未消釋當更灸更搽毒涎自然流出且不透裏傷入蜈蚣咬亦宜灸
世治一切毒蛇咬用透明雄黃研細末以醇酒濃調厚搽傷處水流出如涎痛腫即消一方以蔞苳汁和雄黃末作餅子候乾為末每用少許貼瘡口立効
行有人被毒蛇所傷已昏困有老僧以酒調藥貳錢灌之遂甦及以藥滓塗患處良久復灌貳錢其苦皆去問之乃五靈脂壹兩雄黃半兩同為末止此耳後有中毒者用之無不効驗 又方用乾薑雄黃等分

為末傳之兼辟蛇用絹袋盛繫臂上男左女右蛇聞氣遠避

世治毒蛇所傷

細辛

香白芷各伍錢

雄黃貳錢

右為末加麝香少許每服貳錢溫酒調服効

丹治一切蛇咬用香白芷嚼碎傳患處又用溫酒調服効

水蓼搗汁飲滓傳傷處 櫻桃葉絞汁服滓傳傷處

世治一切蛇蟲所傷用貝母為末酒調令病人盡量飲之頃久酒自傷處為水流出候水盡却以藥滓傳

瘡上即愈 治蛇咬腫毒悶欲斃者用重臺陸分續
隨子陸顯去皮同為細末以酒服方寸七又以唾調
少許傳患處立安崔氏海上方 又方用白礬貳錢服之
防毒氣攻心 又方金線重樓以水磨少許傳咬處
又為細末酒服之 又方用柏樹葉魚腥草地松節
皺面草草決明共一處研細傳傷處極佳 地榆生
絞汁飲及濃煎漬之半日愈 治蛇傷用馬蘭草即
堦前菊生搗傳傷處亦解酒疽止鼻衄合金瘡 治
蛇咬瘡用蒜去皮壹升搗破以童便壹升煮三四沸
熱漬損處壹兩時初咬未腫即嚼蒜封之六七易

又方用蒜壹升乳貳升煮爛空腹頓服以飯壓之次
日依前再服

治諸惡蟲蛇螫用地菘搗傳之

海治蛇虺咬入以獨頭蒜酸漿草搗汁傳咬處佳

海治蛇咬男子陰毛口含二十莖嚥其津毒不入腹

世治諸般蛇咬此傳之於擒蛇者藥味不全亦可

大青 小青 青木香

烏柏葉 火炊草 山蕨菴

過山龍 地蜈蚣 天門冬

白芍藥 香薷

右細末用白木香研細生白酒調服查罨咬處累

立瘥 聖治蛇咬毒食菜萸壹兩為細末冷水調分為三服

丹治蛇毒喫菘蔣艸根灰取以封之其草即野茨白

是也廣濟方 蛇咬作瘡暖酒浸日三次 絲瓜根搗

生酒飲醉立愈 治蛇傷用小青一握細研入香白

芷半兩酒調服却以手捻患處候黃水出為効 毒

蛇傷入目黑口噤毒氣入腹以甘草白礬等分末之

冷水調下貳錢蒜壹升乳貳升煮食仍煮童便熱漬

之 麻油米醋並急飲貳盃毒即散 大糞塗之

頭垢耳塞并泥蚯蚓糞和搗塗咬處黃水出愈 丁

方加白丁香 蛇咬忌食酸物梅子犯之大痛

蛇入人口并七孔中者割猪母尾頭瀝血着口中并

孔口上即出 聖治因熱取涼睡有蛇入口中挽不出者用刀破蛇

尾内生椒二三粒裹着即出 治卒為蛇繞不解以熱湯淋之無湯令人尿之

蜈蚣咬治蜈蚣咬生雞血傅上立愈累効一男子為

蛇繞人

蛇入孔

諸疾快效

外科

百四九

蜈蚣入咽喉中咬之垂死之際一醫令殺生雞血乘熱灌喉中蜈蚣即出而愈實良方也 又方用雞糞塗之 又方治蜈蚣諸毒蟲傷麻油點燈於瘡口上對口熏之登時愈 又法大油紙燃燒燈吹滅以餘煙燂之亦治蠍及諸毒傷 治蜈蚣咬竹葉清研汁傳之立愈 又方用南星磨汁傳之累效 蜈蚣草曬乾爲末入鹽少許水調傳患處能解諸毒 梅治蜈蚣咬痛不止獨頭蒜磨螫處立愈 聖治蜈蚣咬方用蝸牛拵取汁滴入咬處 孫蜈蚣咬取蜘蛛壹枚安咬處當自飲毒如蜘蛛死

而痛未止更易生者

丹蜈蚣咬嚼鹽傳其傷處次以鹽湯洗之梅師方 蜈蚣咬頭垢塞之不痛則痒 治蜈蚣咬及諸蟲咬毒先用鞋底土擦之用大蒜小蒜桑葉罨傷處如無用油鼓盪傷處或藍靛塗罨之亦効 治蜈蚣毒蟲咬用桑枝汁同鹽擦痛處或溶黃蠟滴患處肉黑爲度 又方用皂角於咬處上用艾炙熱去之効 用生薑汁調雄黃水傳 又方灰莧葉擦其痛即止 又方燈草蘸香油點煙熏之 又方凡被傷急以手指於地上乾處畫王字內撮土摻在咬處即愈 又方

用耳塞少許塗咬處疼即止 又方用茱萸嚼爛擦之 又方用生薑汁調蚌粉搽

蠼螋 治蠼螋尿成瘡初如粟漸大如豆如火燒泡大痛者速以草茶細末生油調傅瘡上立止甚妙

猪膏每搗汁傅之 草茶即茶茗也

治兩點蠼螋瘡用百合搗爛入

鹽少許傅之効

千 治蠼螋尿人影着便令人病瘡如粟粒壘壘痛似刺蟲所螫惡寒壯熱用犀角磨汁塗之則愈

世 蠼螋蟲又名八脚蟲隱壁間以尿射人徧身生瘡如湯火傷用烏雞翎毛燒灰雞子白塗之 治小兒

蠼螋咬透腹匝即死用梨葉研爛傅之

食蠼螋尿瘡鹽參升水壹斗煮取陸升以綿浸湯淹瘡上

蠼螋 雄黃消毒膏 治蠼螋不可忍

雄黃

信 各半

巴豆 叁錢

白礬 生壹兩

右為細末黃蠟半兩溶開入藥攪勻為錠子如粟子大用時將錠子簽於燈焰上炙開滴於螫着處其痛立止

潔一上散 治蠼螋痛

半夏

壹字生用

雄黃

壹字另研

巴豆

壹字研如泥

右三味同研和勻上之

治蝎毒用溶化白礬乘

熱滴傷處痛止毒出

廣治蝎螫人研蜘蛛汁傳之瘥

山蝎螫苦蕒汁塗之

世治蝎螫地磨生薑塗之

又方南星米醋調擦之

人參嚼封之

白礬半夏等分為末醋調貼痛止毒

出又方用葱白切壹片厚貳分置螫處灸三五壯

蜂螫

治蜂螫薄荷貼之瘥

人參嚼封之

以酥傳

之

醋磨雄黃塗

蜂房末豬脂調傳煎湯洗之亦得黃

蜂齒熱酒洗之立効 又方清油搽之愈

蜘蛛咬

張薦昔在劍南為張延賞判官忽被班蜘蛛

咬項上一宿咬處有一道赤色細如筋繞項上從眉

前至心經一宿頭面腫疼如數升益大肚漸腫幾至

不救張相素重薦因出家財五百千并薦家財五百

千募能療者忽一人應召云可治張相初不甚信欲

驗其方遂令目前合藥其人云不惜方當療人性命

耳遂取大藍汁一甕碗取蜘蛛投入藍汁良久方出

甚困不能動又別搗藍汁復加麝香雄黃和之更取

一蜘蛛投汁中隨化為水張相及諸人甚異之遂令

點於咬處兩日內悉愈但咬處作小瘡如落如舊
海蜘蛛咬遍身成瘡用青葱葉一莖小頭作一孔盛
蚯蚓一條捏兩頭不令透氣搖動化為水點咬處瘡
治蜘蛛瘡用羊乳傅其上或用清油搽之即安
丹蜘蛛咬處嚼韭白傅之

山蜘蛛等諸般蟲咬用葛粉生薑汁調傅

經蜘蛛咬唾和山豆根末塗之狗咬虺蜂瘡蛇咬並

水研山豆根傅之虺頭脂切虺蟻又方蜘蛛咬一

身生絲羊乳一件飲之 灰雀搗碎和油傅之

沈存中秦皮一味治天蛇毒此瘡必癩而非癩也天

蛇即草間黃花蜘蛛人被其螫仍為露露所濡乃成此

疾以秦皮煮汁一斗飲之瘥

壁鏡大如蜘蛛而形扁斑色八足咬毒人必死用桑

柴燒灰水煎三四沸濾汁傅瘡上無治蛇毒 又方

雄黃醋磨搽妙 又方大黃研醋煮水塗妙

刺毛蟲傷春夏月樹下精斲間有一等雜色毛蟲極

毒凡人觸着者則放毛入人手足上自皮至肉自肉

至骨其初皮肉微痒以漸至痛經數日痒在外而痛

在內用手抓搔或痒或痛必致骨肉皆爛有性命之

憂此名中射工毒諸藥不効用好豆豉約一碗清油

半盞拌豉搗爛厚傳痛痒處經一時久豉氣透骨則引出蟲毛紛紛可見取下豆豉埋在土中煎香白芷湯洗痛處如肉已爛用海蝶蛸即烏賊魚骨為末傳之愈 一方取蒲公英根莖白汁傳之立瘥 又方用鍋底黃土為末以酸醋捏成團於痒痛處搓轉其毛皆出在土上痛痒立止神效無比黃土即伏龍肝也 按治刺螫傷無如甘草妙口內細嚼傳之即時瘥今蘇州虎丘山下民家皆以種植樹木為生周十里內無刺螫乃時用甘草汁灑樹故也

蚯蚓傷 治蚰蟻吹用老茶葉細末調傳

丹治蚯蚓咬如大風狀眉鼻皆落夜則蚯蚓鳴於身上膿作鹽湯浸數次安傳信方

衍昔有病腹大夜聞蚯蚓鳴於身有入教用鹽水浸之而瘥

螻蛄咬 治螻蛄咬用榭葉燒灰細研以泔別浸榭葉取洗瘡拭乾納少許灰於瘡中 又方治螻蛄咬入用石灰醋和塗之

蠶咬 用麝香研蜜調傳 又方用苧根搗汁飲塗若蠶近蠶種則蠶不生

犬咬 犬咬人屎傳之 犬咬人以頭垢傳傷處又用

熟牛糞塗於外用後

衍犬傷入用杏仁量所傷大小嚼爛沃破處以帛繫定立瘥

世治犬咬用杏仁去皮尖同馬蘭根研細先以葱湯洗後以此藥塗傷處効治犬咬傷用草麻子五粒去殼以井水研成膏先以鹽水洗咬處次以此膏傳貼一方用虎骨屑傳之治犬咬人不要洗用紅炭火以物擊細待冷取塗咬處即愈治犬咬用黃荆葉搗碎瘡上即安又方炙生薑乘熱擦之尤妙又方靛青和牛糞塗

丹狗咬用紫蘇葉口嚼碎塗之犬咬破傷風腫以人參於桑柴火上燒成灰末傳之安

羅蟬花散 治夏月犬傷及諸般損傷蛆蟲極盛臭惡不可近者

蛇退皮壹兩火燒存性蟬殼

青黛各半兩

細辛貳錢五分

右為細末每服叁錢酒調下如六畜損傷成瘡用酒灌下如犬咬傷用醇子和喫蛆皆化為水蠅子不敢再落又以寒水石末乾摻上

癩犬咬定風散 治風犬咬先口噙漿水洗淨用綿

拭乾貼藥更不再發大有神效

天南星

生

防風

各等分

右為細末乾上更不再發無膿效不可具述

丹治犬咬梔子皮燒灰石硫黃等分研細傳瘡

梅師方

世治風狗咬用桃核殼半箇將野人乾糞填滿以榆

皮蓋定罨於傷處又用艾於桃核上灸十四壯即愈

永不再發或用野犬糞又方艾灸傷處五七壯

山風狗咬即用犬糞塗仍拔去頂上紅髮

世癩狗咬方用蟹螯七枚去頭足翅以糯米少許於

新瓦上同炒以米黃香為度去米不用以蟹螯研碎

好酒調下能飲人再進酒一杯傷在上食後服在下

空腹服當日必有毒物從小便出如小狗狀如未下

次日再進亦不下又進以毒物出為度若進至七服

雖不下毒亦不妨矣服藥後腹中必不安小便莖中

刺痛者不必慮此毒受攻將下耳痛甚者以蕪青一

匙煎甘草湯送下即止如無蕪青青黛亦可疾愈後

急以香白芷多雄黃少許為末搗韭根自然汁湯酒

調下去蟹螯毒以水淨漱口嚼生葱白罨傷處留小

竅子出毒氣不可用他草藥罨忌犬豬羊及發風毒

物小兒量歲數加減蟹螯食癩狗肉致病者治同即

諸生曾極傷
愈或過一二年再發治如前
治癩狗所傷用蟹螯
貳拾壹箇去頭翅并足用糯米壹勺先將米箇入米
內微火炒不令米赤去此蟹螯別用米箇再於前米
內炒冷蟹螯色變復去之又別用米箇如前法炒以
米出青煙為度去蟹螯不用以米研為粉用冷水入
清油少許空心調服頃又再進一服以小便利下惡
物為度如不利再進一服利後腹肚疼痛急用冷水
調青靛服之以解其毒否則有傷或煎黃連水亦可
不宜便食熱物或以益元散水調服尤妙又方用
米清洗淨以沙糖塗之後用益元散肆兩蟹螯拾肆

箇去頭翅足同煎空心溫服又方用雄黃伍錢麝
香伍分研勻酒調貳錢服下去惡物再服得睡莫驚
覺或經久復發亦宜服此
世風狗咬取小兒胎髮炒香傳野菊花研細酒調服
盡醉止効又方韭菜根搗汁一二盞服又方桃
白皮一握水貳盞煎膏蓋服
世治癩犬所傷或經久復發無藥可療者用之極驗
雄黃色極明者伍錢麝香伍分
右研勻用酒調貳錢服如不肯服者則燃其鼻而
灌之服藥後必使得睡切勿驚起任其自醒候利

諸生曾極傷

下惡物再進前藥則見效矣

丹癩犬咬入搗地黃汁飲之并塗瘡口愈 又方煮

地榆汁飲之無細末傅瘡上服方寸七日忌酒若

瘡瘡者搗生韭汁飲一二升梅師肘風犬咬後毒

發如狗叫聲於化人壇拾頭頂骨燒末傅之 風狗

咬毒發如狗叫者百方不治以人骨燒末之水下

寸七雖煩亂者亦治梅師膽礬為末貼瘡立愈

馬咬細嚼栗子傅傷處 又方用益母草細切和醋

炒封之 毒入心馬齒莧湯飲之瘡

鼠咬用貓兒毛燒灰傅之 貓糞填咬處 麝香末

傅包之

人咬龜甲或鼈甲燒為灰末之香油調傅

虎咬用野生菜搗爛塞所傷孔中滿不必換自然新

肉長出而愈曾有人被咬已死用此方治之

丹熊虎傷毒痛煮生鐵令有味以洗之用後虎傷

入瘡取青布緊捲燒一頭內竹筒中射瘡口令煙熏

入瘡口中佳梅師清油洗瘡口仍喫清油壹碗

又方用乾葛濃煎湯洗 又方用沙糖水調塗仍服

沙糖水壹兩碗

世虎傷入瘡用莓子葉杵細塗之按本州莓子葉即

猪膏莓能治疔大

傷
熊咬熊傷入燒青布熏瘡中毒出仍煮葛根濃汁以洗之日十次并搗葛根為散煮葛根汁方寸七日五服瘥

驢涎馬汗瘡驢涎馬汗入瘡腫漸甚可急治之遲則毒深不治以生烏頭末傅瘡口上良久黃水出立安世治驢涎馬汗入瘡用遠志去心為末酒調塗又方用冬瓜青皮陰乾為末貼瘡上又方馬汗入肉毒氣引入如紅線者急用烏梅肉嚼爛塗瘡上一方用烏梅和核爛研用好醋和成膏先將瘡口針破

出盡紫紅血拭乾傅上以帛縛定 王氏治驢涎馬汗毒所傷白礬飛過黃丹炒令紫色各等分相裏合以貼患處

孟馬齒莧又主馬毒瘡以水煎令服一升一升塗瘡上 濕癬白禿以馬齒膏和灰塗効

諸由...
外和六

寬文十三年癸丑仲秋吉辰

銅駝坊書肆

村上平樂寺刊行



金公
金公

